

M A G N I  
A N T I S T I T I S  
I A C O B I  
Z A D Z I C I I

Elogium & Vita

1151


A

S I M O N E S T A R O V O L S C I O  
C O N S C R I P T A.



C R A C O V I Æ.

*In Officina Typographica Francisci Casarij. A. D. 1644.*




XVII - 3502 - III



I L L V S T R I S S I M O  
AC REVERENDISS. PRINCIPI,  
D. PETRO GEMBICKI

Dei & Apostolicæ Sedis Gratia,  
EPISCOPO CRACOVIANSI,  
D V C I S E V E R I Æ.

S I M O N S T A R O V O L S C I V S. S.

 E mortalium gesta celebri  
& perpetuâ memoriâ sem-  
per digna, temporum de-  
cursu queant in dubium aut  
obliuionē adduci, operæpretium viri  
sapientes putarunt, Illustriss. ac Reue-  
rendiss. Princeps, ea solidioribus quàm  
faxa, calx, aut arena, literarum monu-  
mentis, imò & testium adnotatione,  
memoriæ commendare æuiternæ.  
Quorum præcepto, ego quoq; bene-

iactoris mei desideratissimi, Tui autē  
in sacro Senatu Collegæ, & in Cathe-  
dra Crac. Antecessoris digniss. Iacobi  
Zadzicii, res præclarè gestas & vitam,  
sequētis æui memoriæ traditurus, Tibi  
eius amico ex asse, similibus in Rep. &  
Ecclesia Dei muneribus, similiq; pru-  
dētia & probitate perfuncto: & æquē  
vt ille fuerat, iuris Ecclesiastici defenso-  
ri, à gratia, terrore, voluptatum il' ece-  
bris & aduersis inuictō, adq; beneficen-  
tiam nato, dicare & sacrare volui. Vt  
quemadmodum ille è Gembicii manu  
(Patru videlicet Tui, Primatis Polo-  
niæ perpetua animi æquitate & cōstan-  
tia domi forisq; clarissimi) totius for-  
tunæ suæ initia & progressus accepe-  
rit, atque morienstabulis testamēti, fa-  
mam



mam suã & decus, Tibi Gembiciorum  
apici, & in Pontificatu certo ac desti-  
nato successori, tuendã ab iniuria Mo-  
morum commendauerit, ita & scri-  
ptum istud, tuo patrocinio, vnã cum  
autore iure merito cõmittatur. Nam  
& opus ipsum, vt facile prospicio, mul-  
torum obtrectationi expositum, ad-  
uersus liuidos malignẽ pleraque inter-  
pretãtes luculentissimo indiget defen-  
sore: & ego ab obitu illius omnibus de-  
stitutus fortunis & spebus, liberalissimo  
Patrono. Quemadmodum igitur ne-  
mo superest, è tot Proceribus Patriæ,  
qui Te ipso, consiliorum omnium, re-  
rumq; ab illo gestarum locupletior at-  
que viuidior testis esse possit, quem ab  
ineunte ætate nosti: ita nec me rerum



fidei in hac narratiuncula innixum, maiori quis authoritate fulcire poterit, quā tu Herus meus & Pontifex, cuius ab ore & voluntate pendeo. Debes itaque hoc supremum defensionis munus memoriæ tanti viri, à quo tot documenta exactæ disciplinæ Ecclesiasticæ haud minus, quàm à Patruo Tuo te didicisse profiteris: & mihi patrociniū, quem cum reliqua Dioecesi in tuam iurisdictionem & tuitionē accepisti. Iam verò, quod aliud Zadicii Manes usu nobilius officium à te amico & successore suo expostulant, quàm vt eius gloriæ obrectatores, si fortè existant, ea fidei constantia refutentur, qua viuum & meriti honoris laude florentē coluisti: haud ignarus, quod præclara veritas,

tas, quamvis omnimodè à maleuolis  
opprimatur, supra calumniæ attamen  
nebulas faciè emicat: & qui fide inte-  
gra bonos mortuos coluit, viuos cōci-  
liat. Sic quia non minori momento scri-  
bentis fama, quàm agētis industria æsti-  
manda est, me quoq; virtutum tuarum  
cultorem & miratorem, eadem tutela  
comprehende, & ab iniuria maleuolo-  
rum protege. Vt & magni Zadicii Ma-  
nes, qui purissimo iam in æthere & in fa-  
ma hominum perpetua gloria perfru-  
untur, Tuæ mirificæ pietati plurimum  
debeant; & ego olim cliens illius, tuis  
nunc clientibus adnumeratus Gemb-  
cianam deprædicem beneficentiam.  
Profectò enim & tuæ famæ hinc non  
dubia iñmortalitas prudentum iudicio  
attri-



attribuetur, & magnus eorundem calculo Zadzicius non facilè interituram laudem & gloriam apud posteros assequetur. Cuius ego vitā ante alios, literarum memoriæ ideò commendandā existimaui, vt clarissima perfectæ virtutis exempla, quæ in sacrato homine, eo maiori lumine resplendent, imitanda posteris traderentur. Quanquam nec reliquas Sarmatiæ nostræ partes, fortibus & sapientibus viris, atq; omni civili bellicaq; laude dignissimis adeò effoetas arbitramur, vt in iis veterum Ducum, Præfulum, ac Senatorum, qui cæteros quondā omnium ætatum ac gentium haud dubiè veræ virtutis gloria superarunt, sobolem penitus interiisse putemus. Verùm & in hoc quoq; viro, libera



beralium artium disciplinis, pietate animique moderatione longè anteferendo, perquam multa reperiuntur, quæ futuris olim ciuibus placebunt; & quæ non modò in hac vrbe Metropoli, vbi angusto loco eius ossa cubant, sed toto terrarum orbe, religiosa cum veneratione, omnis posteritas admirabitur, si Tibi vni Princeps Illustriss. ac Reuerendiss. virtutum illius spectato testi, familiaritateque maxime coniuncto, hic ingenuus meus labor dicatus omnino placuerit. Vale Præsul Amplissime, & Ecclesiæ, Reipub. nobis clientibus, diutissime Viue.





## Lectori Beneuolo.



**I**n signem ingenio Virum, dignatione clarum, doctrina & prudentia admirabilem, ut qui ingentibus olim virtutibus suis, magnorum virorum amicitiam, Serenissimorumq; Regum suorum gratiam meruerit, & in Republica officia maxima gesserit, Patriæ nostræ immortale contulerit ornamentum, Iacobum Zadzicium, Antistitem Cracouiensem, Tibi Lector beneuole rediuuium statuo. Natum in Satrapia Siradiensi, in pago Rzechta dicto, claris quidem natalibus, sed patrimonio tenui: quod ille tamen facile sibi meritis & ingenio auxerat, ad quæuis munia Reipublicæ aptus & impiger. Et ut verbo dicam, ex omni virtutum & ornamentorum genere concinnatus: siue spectes in tanto rerum fastigio, quod attigerat, commitatem etiam infimis obuiam: siue in tanta rerum affluentia, quam acquisuerat, spontaneam victus sobrietatem: siue in tantis negotiorum undis, quas Regio ac Reipublicæ nomine tractauit, perpetuam animi tranquillitatem (id quod diuine cuiusdam mentis esse videtur)



tur) siue sincerum erga pietatem ac religionem affectum, quam semper summo studio, nullo supercilio, tum docuit, ut pastor, tum prestitit, ut Presul Catholicus. Nunc felix illa anima, sicut Ecclesie preclarum lumen fuit, ita celesti Hierosolyma sydus illustre addit. Nos verò tanta virtute orbat, non aliunde iusto dolori patrie leniendo, medellam quarendam esse putauimus, quam à frequenti & diuturna recordatione preclare factorum illius. Scihcet, ut posteri diffuse intelligant, quantum Zadzicius virtute animi, pietateq; prestiterit: nec è titulo tantum marmoribus inciso, sed è perpetuis actionum omnium annalibus Christiane vite exempla, sacratis presertim hominibus petantur. Optimiq; Senatoris nomen, non in Polonia modò legatur, inclusum scilicet angustis vnius edicule spatij, verum etiam ubiq; terrarum Latina voce celebretur. Cuius rei gratia, hoc munus eo propensiore voluntate suscepi, quod non aliter, quam sic, id est gratissimo animo acceptum ab illo beneficium, veluti debitum memorie pijssimi Antistitis persolvere videbar. Et iuuabat sanè ea mandare literis, quæ ipse in eius aula, & ut ita dicam contubernio intimiori versatus, familiariter ab eo didicissem. Tusi virtutem amas, lege & imitari stude.



A P P R O B A T I O.

**I** Deam boni Principis in Vita Illustrissimi & Reuerendissimi olim IACOBI ZADZIK Episcopi Cracouiensis, Stylo puro & candido ab Admodum Reuerendo Domino Simone Starowolski, Cantore Tarnouiensi, expressam testatur M. IACOBVS VITELLIVS in Academia Cracouiensi RECTOR atque ut in lucem prodeat, facultate ad hoc sibi data, concedit. Datum ex Collegio Maiori 31. Maij, Anno Domini 1644.





MAGNI ANTISTITIS  
IACOBI ZADZICII

Elogium & Vita.

P R Æ L O Q V I V M.



VI pace & bello gloriam consecuti, præclara ingentium facinorum exempla imitanda aut vitanda posteris tradiderunt, eos omnium oculis ac linguis publicè proponere calamo depictos, vetustissimus tam Græcorum, quàm Latinorum mos fuit. A quibus reliqui deinde populi quaquaversum, ut scientiarum præcepta, bellandi que modum, sic & virtutum, honestatisque normam, cum tempore de-

sumpsere. Quinimò & nostri Sarmatæ, vna cum fide Christiana, literis ab eisdem acceptis & Philosophia, magnorum virorum, & excellenti virtute prædicatorum laudes celebrare, sero equidem didicerunt; ast apprimè vtile esse vitæ hominum & necessarium, vel ab inde statim censuerunt: vt & illis quos tantoperè suspiciebant quoad fieri potest, pro meritis suis gratia referatur, & cæteri habeant, vnde virtutis & laudis exempla petant, & quo ad benemerendum de suis incitentur. Nam quemadmodum equum in cursu plausus agiliorem generosioresque facit, cum alios circa, vel ante se glomerantes incedere videt: sic optimam cuiusque indolem, laudes & approbatio iuuant, si eodem virtutis cursu quo cæteri magni viri incessere progrediatur. Proinde, cupidinem excitare volentes, currentibus impetu honesto ad gloriam veræ virtutis, clarissimi olim in patria nostra Senatoris, pijsissimi que Sacerdotis Iacobi Zadzicij vitam (cuius pietatem Ecclesia, Zelum religionis Hæretici, protectionem Clerus minor, beneficentiam egeni, candorem ciues, virtutem hostes, fidem ac prudentiam tota Respublica, Serenissimique Reges perspexerunt) solidis literarum monumentis commendare statuimus,



mus, vt habeant futuris sæculis, tam Sacri homines in Polonia nostra, quàm ciuilis vitæ studiosi, à quo in vtraque Reipub. fortuna exempla sumant, ac quasi stimulos quosdam, ad honestas actiones & laudabilem imitationem. Quamuis sciam non deesse in Historijs nostris, multò vberiores patrum ac proauorum nostrorum laudationes, quæ superstitibus ad benè beateq; viuendum viam cōmonstrare, ingeniumq; abundè exacuere possunt. Reticere attamen ea, quæ & ad augendam tanti viri gloriam, & ad inflammandos ingenuorum animos spectant, improbi prorsus ac flagitiosi esse hominis putauimus. Cùm ex omnibus virtutum præmijs quisque honestus ac optimus ciuis, non aliud sibi præmium exoptet, quàm nominis sui apud posteros famam immortalem: præsertim qui omnem operam, omne studium, omnesq; cogitationes suas ad constabilienda Reipub. commoda attulerat. Alias, detrahit patriæ maiestatem suam, qui præclara & fortia ciuium facta, quæ in luce collocari cupiunt, silentio prætermittit. Quapropter ingentibus naturæ dotibus, & virtute eximia præditum Antistitem promeritis laudibus ornaturi primùm de generis nobilitate ac familiæ illius vetustate disseramus.

## C A P V T I.

## De origine &amp; vetustate Korabitarum.

**K**orabitarum profapia & nomen, tametsi multis ante annis in Polonia illustre fuerit, plurimique Proceres ex ea domo in Senatu floruerint, certam attamen stabilemque nunc primum Ioannis Lascij Gnesnensis Archiepiscopi ac Primatis Regni Poloniae, fratrumque illius virtute claritatem accepit. Longior vetustas & origo, haud planè inuestigari potest, propter maiorum nostrorum simplicitatem, literas politiores tunc minimè callentium. Qui veteri Sarmatarum consuetudine, nosse & formare literas contenti, bella ex bellis ferere, armisque sibi gloriam parare consueverant: adeò, ut priuatos inter, ille clarus & nobilis haberetur, qui plures ex hostibus interemisset. Post susceptam verò fidem Christianam, primus Korabitarum in Polonia floruisse legitur, Robertus Episcopus Cracouien. Anno reparatae Salutis quadragesimo primo, supra millesimum atque centesimum, ab Innocentio II. confirmatus, & Ioannes Radlicius successor deinde illius.

Korabitaë autem dicuntur, ij nobiles, qui pro insigni



signi nauim onerariam (Slauonica lingua Korab dictam) absq; velis cum malo vnico gestant, depictam in planicie rubea, ad proram & puppim, capita leonina, fului coloris, habentem. Quo stemmate, complures herclé familiæ in patria nostra, antiquitus vtuntur; & à pagis aut villis hæreditarijs, diuersisq; euentibus, diuersimodè cognominantur.

De Zadzicijs verò qui itidem hoc stemmate, Korab nuncupato utebantur, primus literarum monumentis inuenitur commendatus, Petrus Zadzik, de magna Poradouo. Hoc est, hæres & possessor villæ sic dictæ, & in Palatinatu, seu Prouincia Rauensi sitæ. Qui domi & foris prudentia clarus, in vicinam Satrapiam Siradiensem, habitationem transtulerat: exque Drusbinsciorum prosapia coniuge sumpta, Albertum vnicum filium suscepit, linguæ Arabicæ peritum, militiaq; bonum. Atque ea ex causa Diuo Sigismundo Augusto Regi Poloniæ probè notum, & in Thraciam sæpius missum.

Is deinceps è Puczkowna, honestissima fæmina, & claritudine maiorum suorum illustri, duos filios reliquerat. Alterum Stephanum honore & officio Tribunatus Siradiensis conspicuum, liberorum deinceps exortem. Alterum Ioannem, virtute magis,

quam amplitudine opum, maiorum suorum gloriam  
exæquantem : qui fuit pater Iacobi Zadzicij Antisti-  
tis nostri, quem laudandum suscepimus.

## C A P V T II.

### De Parentibus Amplissimi Anti- stitis nostri.

**O**Mnibus sanè ciuili prudentia perpolitis liquet,  
non parum ad bonam indolem conferre, si  
quis eximijs, & quidem vtrinque parentibus sit pro-  
gnatus. Nam quo quis nobiliori stemmate prodijt,  
eo clariore indicio animi rectitudinem in illo præ-  
fulgere censemus. Nostrique Antistitis parentes, &  
Catholica religione, & domestica disciplina inter vi-  
cinos atque cognatos floruisse, constans est omnium  
Siradiensis Palatinatus incolarum assertio, quos illi  
sibi & humanitate innata, & liberaliori genio ami-  
cissimos reddiderant. Ioannes igitur Zadzik sum-  
pta in matrimonium Heduigi, filia Borsæ viri nobi-  
lissimi, duodecim ex ea soboles pari vtriusque sexus  
numero progenuerat. Sed quorum ex ordine tres ab  
ortu ipso famellas, Parca inhumanior præcociter  
humauit:



humauit: tres verò reliquas, paulò prolixiore lucis  
ysura frui, vel inuida concessit. Quarum prima, no-  
mine Anna, Alberto Sarnowski Vexillifero Palatina-  
tus Lancienſis, in coniugem data fuit. Altera Ca-  
tharina, D. Francisci Sororibus de Obseruantia Cra-  
couiæ adſcripta, Tereſſiæ nomen in Religione acce-  
pit. Tertia, primæ matris noſtræ Euæ nomine inſi-  
gni ta, Senatorio viro, Ioanni Louicki, Caſtell. Ino-  
wloclauienſi elocata vixit.

E maſcula verò prole, primus fuit Matthias, na-  
tura ad Martem formatus, & qui bellum cum Mo-  
ſchis Sigismundo III. Rege Poloniæ gerente, in vrbe  
Metropoli Moſcouia editis fortibus factis ante ocu-  
los Ducis ſui Alexandri Zborouiſj, in acie occubuit.

Secundus erat Remigius itidem patrio more Bel-  
lonæ ſacratus, qui ante virilem adhuc aetatem Ca-  
menecij in Podolia vitam finiuit.

Tertius Hieronymus, qui dum literarum ſoſculis  
iuuentam adornare conatur, ad nobiliorem ſupero-  
rum ſpeculationem iuuenis tranſit.

Quartus Stanislaus, ab ipſa pueritia ſpretis mitiori-  
bus Camænis, armorum ſtrepitum in Moſchouiam  
ſecutus. Quo bello finito, dum Leopoli in Ruſſia,  
emerita ſtipendia cum cæteris commilitonibus præ-

stolatur, ad cælestium exercituum castra, æternam remunerationem accepturus, maximo cum mærore parentum euolat.

Quintus Ioannes, titulo Vexilliferi Prouinciæ Si-  
radiensis decoratus, cum & castra bellica, & diuer-  
sas exterorum regiones perlustrasset, atq; exinde cha-  
rus omnibus in Regia Sigismundi III. fuisset, tandem  
connubio cum Theophila Kretkouij Palatini Bre-  
stensis filia, felix sibi videretur, inopinato præmatur-  
a Fatorum sæuitia, ad meliorem vitam translatus  
est, prole nulla ex se relicta.

Sextus demum Iacobus, Episcopus Cracouiensis,  
quem Elogijs ornare destinauimus, vel ea etiam de  
causa quod ipse vltimus familiæ suæ Zadzicianæ pe-  
riodum clauferit, postquam supra opes vetustatemq;  
originis, & domesticam disciplinam, noua decora,  
& augustiora quidem intra penates, nequaquam par-  
ta ludentis fortunæ temeritate, sed grauissimis quæ-  
sita virtutibus intulisset. Hunc cum nescio quo au-  
gurio mater ad ingentis spei fortunam edidisse vide-  
retur, rara nunc inter matronas charitate, proprijs  
vberibus aluit, adultumq; vsque adeò diligenti & pla-  
nè virili cura honestissimis moribus instituit, vt Sta-  
nislauus Varficius Auunculus, Castellanus tunc Var-  
sauien-



fauientis nescio quid egregium & verè magnum in pueri indole se conspicerè fateretur. Nec eum sua fefellerat opinio; siquidem in eum ab admirabili quodam siderum concursu, cuncta postea humanæ felicitatis ornamenta virtus & fortuna contulerunt.

C A P V T III.

De eius Institutione.

**R**Ecè sanè Laertius censebat, ea discere iuuenes quæ viris factis vsui futura essent. Ex bona siquidem adolescentum institutione omnes, aut certè potissimæ commoditates, tam Religioni, quàm societati hominum nascuntur. Quapropter non quibuslibet Magistris præclara ingenia sunt committenda, sed omnium, quam haberi possint optimis & præstantissimis; à quibus facile discerent, in animo temperantiam, in lingua silentium, in vultu pudorem habere: quia aliter benè viuendi artem, difficillimè assequi poterunt. Iacobum verò nostrum ab ineunte statim ætate, adeò grâui, excelsoque ingenio extitisse ferunt, vt perspicacissimi patriæ ciues, (quorum ea ætas admodum ferax fuit) eum ad omnia summa natum esse iudicarent. Igitur Calissimum, ad

C 3 scholas

scholas Clericorum Societatis Iesu, à parentibus datus, humaniorum literarum principia auidè haufit & pietatis. Postmodum ad Academiam Cracouien-  
sem missus, excoluerat se pertinaci labore, toto fere  
quinquennio, cunctis ijs artibus & disciplinis, quæ  
homines vera virtutis gloria perbeatos ac dijs simi-  
les efficere confueuerunt. Sed quemadmodum agri-  
cola, qui plantaria habent, nouellas stirpes transferre  
& transferere è natali suo solo in aliud solent, vt la-  
xius lætiusq; crescant: sic Parentes Antistitis nostri, de  
indole filij sui iudicantes, suafu & sumptibus, ex parte  
eximij in Repub. viri Stanislai Varficij Thesaurarij  
iam tunc Regni Poloniae, affinis fui, in Italiam eum  
ablegarunt, ne genitali solo affixus sterilisceret quo-  
dammodo, inter pares sibi otio & voluptatibus de-  
ditis, sed in aliud aliudq; traslatus solum, robur & in-  
crementum fumeret in scientijs, & succresceret in  
virtute. Excitatur enim animus, & nescio quomo-  
do maior seipso fit, conspectis toties nouis moribus;  
hominibus, locis; inflammaturq; ad sublimia quæq;  
visa sapius cogitataq; aliena virtute & gloria, incur-  
rentibus in oculos magnis illis magnorum viro-  
rum Manibus, fortibusq; fortium ausis.

Perusij itaque sedem sibi deligit, Astræaq; totus  
ferè



ferè deditus celeberrimos Academiae illius Professores Iuris integro triennio audit, vna cum Stanislao Lubinio, Episcopo deinde Plocensi, morum elegantia, vitae splendore, monumentisque ingenij, ac doctrinae clarissimo, & Catholicae religionis egregio dictis factisque assertore ac vindice, quo tunc æmulo in artibus humanioribus & Iuris scientia familiarissimè utebatur. Sed & Doctoratus insignia simul cum illo accepit, profectusque Romam pietate inprimis eximia cum probatissimæ vitae Sacerdotibus certabat, quod ipse Clericali habitu indutus ad Ecclesiasticum iam ordinem adspiraret: vitae quoque temperantia, honestate, doctrinaque cum optimis Philosophis contendere erat solitus, magnitudine verò animi, iudicio, prudentia atque humanitate, vel spectatae iam ætatis venientibus ad Urbem patriotis æquabatur. Enitebat enim satis maturè in adolescente ingenium alacre, præaltum, ardens, & ut in iuuenili feruore satis graui prudentia temperatum. Accesserat corporis atque oris dignitas maximè excellens, quæ & in senili deinde ætate potissima illi causa assequendæ & retinendæ ubique authoritatis fuerat.

## CAPVT IV.

## De Statura corporis illius.

**P**roceres in Rebuspublicis ab antiquis appellati sunt, non solummodò inde quod celsiore dignitatis loco positi sint; sed quòd vetustissima etiam barbarorum omnium consuetudine ad eiusmodi dignitatem procero corpore & digna imperio forma viri eligerentur, vt diuersis in Historijs videre est. Proinde & Zadzicium nostrum non modò animus ad quæquæ sublimia natus commendabilem in Patria reddebat, sed vultus etiam ipse, & statura corporis erecta excelsaq; supra mediocrem, macro habitu potius, quam succoso, satisque validis artubus à firmissimo quodam neruorum nexu. Erat facie rubicunda, hilari, oculis radiosus & iucundis, licet supercilia pilosa prominere viderentur. Nasus à medio elatus, nec aduncus tamen, labra decentia & candidissimi dentes illud os probum effingebant, quo adeuntes facile alliciebat ad se. Namq; eloquentia fuit illustri exquisitisque literis condita, & cum oporteret ad iucunditatem exornata, adeò vt cum omnibus magnopere placeret, etiam sibi meliore fortuna dignus



gnus videretur. Inerat etenim lato pectori patulisq; humeris militare decus, ni castra spiritualia ab adolescentia adamasset. Quare à prima iuuentute statim erigebat animum ad gloriam anhelantem in spem consequendæ laudis, in patriamq; è peregrinatione reuersus, vix salutatis suis, protinus in Regiam se contulit, & magnorum virorum lateri semper adhæsit.

## C A P V T V.

### De ingressu illius in Aulam.

**I**ngeniosa cuiusque Aulici virtus, summa ope adnititur, vt quamplures Aulæ procures amicitia complectatur. Inter illos verò præcipuum aliquem qui honoratum gratiæ locum apud Principem tenet omnibus quibus potest, officijs sibi demeretur. In patria autem nostra Cancellariorum lateri vt plurimum adhærere solent, qui sunt duo Supremi, Poloniae alter, & Lithuaniae alter: ac totidem Procancellarij, alternis vicibus sibi succedentes ex ordine Ecclesiastico & militari. Siue igitur sæcularis vitæ studio quispiam sit præditus, siue spiritualis, in horum amicitiam sese ingerere curat, qui emergere ingenio

in Repub. cupit. Qui verò militari ausu fortibusq; factis inclarescere deiderat, duorum itidem Summorum Imperatorum Regni Poloniae & Magni Ducatus Lituaniae comitatu sese inferit, vel eorum Legatis, qui vulgo Duces Campestris vocantur.

Et Zadzicius quidem, quod sacris iam initiatus esset, nec pro more gentis dirum ei Martem sequi cum reliquis fratribus liceret, ad Matthiam Pstroconium Premisliensem tunc Episcopum, & Regni Poloniae Supremum Cancellarium se confert, eodem Auunculo suo Stanislao Varficio Thesaurario Regni promouente, cuius maximè sumptibus peregrinationem suam ad exterarum nationes peregerat, ad mercatum bonarum artium & probitatem morum missus. Igitur à Pstrokonficio benignè susceptus, adscribitur statim familiae inter honestissimos ob indolem ab omni virtutum concursu gratissimam, qua ita pijsimi illius Antistitis animum oblectabat, & eruditissimis moribus caperat, ut inter carissimos emereret, & Aulicis omnibus in honore esset atq; amore, Patroni sui beneficio inter Regios Secretarios adnumeratus. Sed singulari amicitiae nexu, deuinctos sibi habuit Lubinios fratres, Stanislauum in Iurisprudentiae studio



dio suum æmulum, de quo supra diximus, & Matthiam natu maiorem, qui nunc Superum nutu ad Primatum Regni Poloniæ euectus, Gnesnensis Archiepiscopatus culmen & Reipublicæ tenet, morum grauitate & innocentia conspicuus. Tum Ioannem Węzyk, eodem itidem Metropolitano honore & Principatu in patria ante Lubinium primario, præter insignem in vtriusque Iurisprudentiæ laude præstantiam, omnis politioris doctrinæ cognitione ornatissimum. Qui tempore Interregni, Diuo Sigismundo III. Rege Poloniæ ad cælos euocato, mirum vigilantia, prudentiæ & integritatis specimen dedit, atq; varijs in negotijs Reipub. probi viri, optimique Senatoris munere egregie perfunctus est. Horum amicitia Zadzicius vti iuuenis tunc cæperat, ita constantissimè tota vita vsus est.

Transeunte verò Pstroconio ex Cancellariatu ad Episcopatum Vladislauensem, Romam ad obtinendas sacras literas, super Episcopatum illum, ab eodem missus, negotium feliciter expediuit; deditusq; lectioni Politicorum librorum, Eloquentiæ, Historiæ, atq; Iuris Canonici, in Curia Romana praxi continuæ, eam sibi doctrinam & prudentiam rerum comparauit,

rauit, qua in Patriam reuersus facilè posset omnem inuidiam in Regia superare, & crescere gradatim per quosuis Reipub. honores.

Redux igitur in Patriam, ad Laurentium Gembicium, qui Pstroconio in Cancellariatu successerat, rectè se confert, gazam ingenij sui exponit, ad omnia promptus, ad omnia habilis. Literas enim scitè atque expeditè exarabat, dictabat eleganter, in omni-que occasione iudiciorum, & æconomicarum rerum cuncta ad iustitiam, pietatem, ad decus temperantiamque vti Aulæ iam artium peritus reuocabat: quibus maximè rebus ita appetente, non Cancellarij modò sed Regis quoque Sigismundi ingenio certissima laus pararetur.

Nec multò post, cùm in ea domo aliquandiu virtutis eximiæ, perurbanæque comitatis & naturæ nequaquam fallacis vel insidiosæ, testimonia passim reliquisset, Gembicio præalta semper agitati, in otio pariter, atq; negotio comes esse cepit. Adeò, vt Sigismundo Regi tunc ad Smolenscum cum exercitu hærenti, per illum literas secerioraq; Reipub. negotia tractanda transmitteret. Vbi dum extra ordinem necessaria Regiæ Cancellariæ officia cæteris languen-



guentibus, aut occupatis cura Castrensi diligenter impleret, abnuenti semper & coacto similis, ne ambitione potius quàm obsequio aliena munia suscipere videretur. (Maiori tunc Secretario Regni, alijs occupato, æger imè id ferente.) A Rege ipso sæpius negotijs adhibitus, cùm literas quaquam hebdomada à Gembicio ferens sese vltro insinuaret, & Secretarij Ordinarij titulum, promouente Stanislao Varsicio Regni Supremo Thesaurario facilè adæquans, dextrè omnia, & maxima cum diligentia perficiebat.

## C A P V T VI.

### De adimplentione officii Secretariatus.

**V**etus monitum Aulæ, sed verissimum Themidem & Suadam colas: hæc te virum, illa ciuem faciet. Quod vtrumque Zadzicius præ oculis habens, vtraque in arte omni conatu proficere adnitebatur, cui naturæ dono, admirabilis ingenij captus, & memoria rerum omnium erat singularis. Legendi quoque ac relegendi oblata quæque, & præ altis etiam codices absque vlllo fastidio audivimus æquè

ac patientissimus fuit. Qua sanè re non Gembicio modò, viro facundia ingenijq; acrimonia claro, tum patriæ cultu ac religionis obseruantia pientissimo, cuius negotia apud Regem agebat, charus semper existit, sed omnibus ferè Dynastis & Proceribus qui cum Rege in Castris fuerant. Igitur pro more & officio Secretarij, post expugnatum Smolenscum ab ipso Rege ad Conuentum nobilitatis Maioris Poloniæ Nuncius Sredam missus, quod omnia ex voto confecisset, priusquam ad Regem salutato per viam Patrono suo Gembicio redijset, inter Prælatos Ecclesiæ Varsouiensis Custodis titulo adscriptus erat. Et paulò post à Stanislao Zolkieuiò Supremo Regni Poloniæ Exercituum Duce & Cancellario (qui ei honos, Gembicio ex Episcopatu Vladislauienti ad Archiepiscopatum Gnesnensem promotò, in præmium debellatæ Moschouiæ recenter à Rege collatus fuerat) secretioribus literis Cancellariæ Præfectus vulgò Regentem appellant, non minus fide Principi quàm facilitate cæteris satisfecit. In reliquis, aula morum iudex & magistra, quæ natum ad magna quæque ingenium erudiuit, modum ad altiores gradus & viam monstrauit. Et Rex Sigismundus collato



lato ei titulo Secretarij Maioris, non tam hominem  
quàm honorem cohonestare visus est.

## C A P V T VII.

### De adeptione tituli, Secretarii Re- gni Maioris.

**H**IS moribus iam abundè claro, & prospera vi-  
genti fama Zadzicio, Diuus Sigismundus III.  
Maioris Secretarij Regni titulum dedit, solis Eccle-  
siasticis tribui solitum, cum prærogatiua inter Offi-  
ciales Curiaè primaria quasi, nam & Referendarios  
antecedit, & secretioribus Senatus consilijs, à qui-  
bus Castellani minores excluduntur, quamuis stans  
à tergo Regis absq; sella curuli, interest: & proximus  
semper est vacante aliqua Ecclesia Episcopalis digni-  
tatis atq; muneris Senatorij. Veteri etenim Ma-  
iorum nostrorum statuto quotquot Episcopi ritus  
Romani in Polonia sunt, Senatum omnes ingredi-  
untur, primumq; locum non modò ibi sed vbique  
etiam occupant. Illosq; primos, in custodia & tu-  
tela legum & Patriæ antiquitus habere voluerunt  
Maiores nostri, quos Deus ipse Ecclesiæ suæ Præsi-  
des,

des, custodes & vigiles destinavit. Ad eum igitur gradum promotus, ita consilia, ita vitam instituebat, ut & Principi gratus haberetur, & omnibus qui sua opera ex tam numerosa Nobilitate Regni vterentur magnopere charus. Namq; eius domus (tribus ferè lustris hoc officio Secretariatus durante) veræ pietatis, iustitiæ, elegantia, virtutumq; omnium officina, cunctis patebat: superbia, libidine, audacia, simulatione, liuoreq; penitus exclusis. Natura siquidem & institutione ad pietatem formatus inciderat in tempora sapientissimi Regis Sigismundi III. qui Religionem colebat ut Numã, animo & fortitudine munitus erat ut Scipio, prudentia instructus ut Q. Fabius, gravitate vel ipsum Catonem superabat, severitateq; ac iustitia Torquato etiam superior fuerat. Igitur ab exemplo tanti Regis, & tam moderatè ac feliciter imperantis, modestiam in verbis, & tota vita pietatem, religionem, facilitatem, prudentiam, nec non gravitatem morum, constantiamq; in proposito, æquitatem in decernendo, frugalitatem & providentiam in viuendo, aliasq; plurimas dignas Sacerdote Christiano virtutes facillimè didicerat. Ita enim natura comparatum est, ut qua in aula multi præclari, virtu-





nia ad Regium delectum, qui genium vniuscuiusq;  
 ac indolem è suis ciuibus longam per experientiam  
 nouit, tam inter seculares, quàm Ecclesiasticos vi-  
 ros. Vnde & sapientissimus Rex Sigismundus III.  
 exactiori cura in Senatum viros ex ordine sacro quam  
 prophano legere solitus, Iacobum Zadzicium, vltra  
 quinque lustra in Regia sua versatum, & plusquàm  
 tredecim annos Maioris Secretarij officio functum  
 Episcopum Culmensensem nominauit, & si omnium  
 ferè bonorum gaudio, qui eius virtuti & meritis fa-  
 uebant, tum maximo certè Borussia incolarum desi-  
 derio: qui virum omni politiori literatura perpoli-  
 tum & humanitate profusiori omnibus in Regia gra-  
 tum iam dudum suspiciebant. A quo enim tempo-  
 re ad publicas & Ecclesiasticas functiones manum &  
 animum admouit, nullam non virtutem maximis in  
 laboribus & sudoribus versatus, ita coluit, vt in ea  
 non excelluerit. Præcipuè dum Regentis Cancellaria  
 simul & Secretarij Maioris munus obiret, singula-  
 rem industriam in negotijs tractandis, sedulitatem  
 in studijs hominum promouendis, comitatem faci-  
 litatemq; in excipiendis ciuibus accurrentibus ad Au-  
 lam mirificè seruauit. Et abhinc statim summam si-  
 bi non



bi non modò Serenissimi Regis gratiam, verùm etiam omnium hominum & ordinum beneuolentiam comparauit. Ingressus igitur Episcopatum, præclaris naturæ dotibus vel priscis illis Patribus non inferior, postquam Iurisdictionem suam fundauit, & omnia ad præscriptum disciplinæ Ecclesiasticæ composuit, quo defatigatum tot curis animum, post Aulicas curas, & vicissitudines rerum, ad serias Spiritualis vitæ meditationes disponere posset, in Italiam per Imperij Germanici prouincias excurrere statuerat. Et iam Monachium in Bauaria peruenerat, cum interim nunciatur ei Gustauum Sudermanum in Prussiam irrupsisse, bonaq; & possessiones Ecclesiæ suæ deuastasse: & ni maturè subueniatur, omnia in nihilum redigi facile posse, partim hoste excurrente, partim milite Polono vniuersa depopulante. Quapropter Patriæ ruina & proprio damno motus, Romanæ peregrinationis consilium mutauit, inq; Prussiam ocissimè reuersus, toto expeditionis tempore lateri Regio in castris adhæsit: ac tandem fatigatis bello vtrinque partibus, tractandæ cum hoste pacis cum alijs viris illustribus author Regi fuit. Destinatusque ad conficiendum negotium metquartus, inducias

sexennales cum Suecis conclusit: pro meritis à bonis omnibus gratiam, ab hostibus etiam inuitis laudem, à Deo immortali laboris præmium.

## C A P V T IX.

### De obtento munere Procancellariatus.

**S**Enatum ingressus Zadzicius, in eo consummata Sprudentiæ theatro parem se magnis negotijs, statim probauit: Adeò enim scitè ac sapienter, tempore tractationis pacis cum hoste; de Suecicarum rerum statu, de Principum confœderatorum ingenijs, de facultatibus, ac moribus Regnorum inter se concertantium, deque ciuitatum maritimarum, ac populorum contra nomen Polonum insurgentium, atque tota pacis ac belli ratione disceptarat, vt diuersorum Regum legati, qui inducias illas Suecis persuaserant, aduersarum pariter ac secundarum rerum vsu edocti, neminem eo sapientia, iudicio, memoria, ac omni denique summa virtute præstantiorem esse faterentur. Quapropter Varfauiam ad Comitia reuerso, vniuersa Respub. gratias egit, quòd non armis publicoq;



blicoque periculo, sed diuina ingenij virtute, exoptatam pacem affectæ patriæ peperisset. Pestilentia siquidem atrox ac repentina, quæ vulgatis minimò contactu morbis, cumulatisque subinde multorum funeribus, non modò castra, verumetiam vniuersam Prussiam, Masouiam, Maioremque Poloniam vastârat, magnas administrando bello difficultates afferebat: afflictis scilicet ancipiti periculo militibus, qui neque in agrum clementioris & liberioris cæli ad tuendam salutem euadere, propter hostis propinquitatem, neque in castris exitiabili eius morbi contagione fædatis, supremi discriminis metu consistere audebant. Cæli quoque rigidioris inclementia multos ægrotos abstulit, quos ob luem inficientem alias, nemo sub tecta recipere volebat. Hos itaque pariter ac pauperes agricolas, annona laborantes, in ditioe sua Lubauiensis opportuna liberalitate Zadzicius subleuauit: nihilque vehementius, factus Episcopus contendebat, quam vt nemo è subditis sui Episcopatus calamitatem, & fortunæ aduersæ mala, vel incommoda belli pateretur. Quapropter eum Rex sapientissimus, post exactos in Curia viginti annos Vicecancellarium Regni, Anno Christi 1627.

crearat, qui est honos singularis in Senatorio ordine amplissimæ ac opulentissimæ dignitatis. Quo suscepto ab elegantia cruditorum morum auctiorem gratiam promeruit, donatus aliquot pinguioribus Sacerdotijs, clarioremq; subinde nominis famam apud omnes est consecutus. Iustitiæ siquidem ac pietatis diuinarumq; ceremoniarum cultor fuit semper religiosissimus, Patriæ libertatis, Ecclesiasticæ immunitatis, maiestatisque Regiæ, pro suo officio defensor constantissimus, atque demum præcipuo pacis seruandæ studio, & singulari omnis generis munerum abstinentia clarissimus. Quibus moribus tametsi singularem ab omnium ordinum hominibus gratiam maturè collegerat, priusquam adhuc Senatum ingressus fuisset, inuidia tamen moras progressibus suis necente, tardius paulò annulum Reipub. accepit.

## C A P V T X.

### De munere assecuto Supremi Cancellarii Regni.

**A** Descriptus in Amplissimum Sarmatiæ Senatum Zadzicius, non minus ex eo accepit, quàm eidem



dem contulit ornamenti. Siquidem & in summis rei Polonæ difficultatibus, ad pacem cum Suecis componendam missus, tantum muneris pro voto egit, & Pontificijs virtutibus, puta religione, innocentia, vigilia, eruditione & grauitate domi forisq; insignis apparuit; & Præcancellarij munere ornatus, cum nec ambisset, neq; quicquam cogitaret minùs, annulum Reipub. maiorem accepit illustre & vltimum munificentissimi Regis Sigismundi in se collatum beneficium. Quod sanè munus quemadmodum gesserit, diu spectatæ prudentiæ & probitatis laudem adeptus, in omnium oculis, manibus, & notitia positum est. Nihil enim sibi antiquius duxit, quàm vt officij istius magnitudinem & grauitatem, integritate fidei, iuris obseruantia & custodia, iudiciorumq; cura sustineret ac tueretur. Et quemadmodum vbiq; summa erga Deum pietate floruit, eiusq; diuino cultui promouendo studuit, ita quoque Ecclesiasticæ libertatis & immunitatis diligens custos eximiusque vindex exstitit. Priscæ maiorum virtutis ac disciplinæ veræ imitator, nullo nec adumbratæ laudis stimulo, nec priuatæ vtilitatis errore vquam permotus. In expediendis negotijs summæ  
facili-

facilitatis, in promouendis benemeritis de Ecclesia & Patria summæ diligentia & conatus: in dicenda verò sententia Senatoriæ grauitatis, pacis & concordia amantissimus, in omni deniq; sermone sapientissimus semper, si quando pulcherrimum liberis ciuibus exemplum dedit, tum Interregni tempore, quando vnusquisq; pro genio suo ex dissidentibus in religione Regem Patriæ dare vellet, & ex potentioribus non nemo pro suo arbitrio nobilitatem in partes & vota traheret. Si quando igitur, tum difficillimo illo tempore & in eo grauissimi officij munere, vsque adeò splendore vitæ munificentiaq; liberalis animi, & denique (quod ad promerendam gratiam vniuersorum, plurimum intereat) vrba comitate præceluit, vt eum summi quiq; in Patria Dynastæ, & omnium ordinum ex aula lectissimus quisque adamaret, ipsaque, præcipue in Conuentu electionis apud Var-sauiam, Polona nobilitas studiosè percoleret, sententiam sequeretur, prudentiam canam & pietatem suspiceret. Sed & tempore Moschouitici belli ad Smolenscum, eo præcipuo teste monstratoreq; virtutis & fidei, quisque vel infimi ordinis miles & ciuis, produci ad Regem agnosciq; magnoperè cupiebat, quando ipse



ipse nemini deesset singulisque ex cohortibus præcipuos quotidie mensæ suæ per ordinem adhiberet. Nihil enim ei erat iucundiùs quàm officio benignè præstito, quam plurimorum voluntates promereri: idq; eo splendidiùs, & ad gratiam parandam cumulatius fiebat, quod sæpissimè non rogatus, quos conspexisset pudore cunctabundos, vel ægrè quicquam sperantes, vltro nominatim appellaret, commendatosq; mirificè, ad osculandam Regis dextram producere consueffet. Quin & Moschouitici Proceres tractationi pacis destinati magnopere cum venerabantur, populusq; Roxolaniæ vniuersus quum quisque pro ingenio, sicuti studium ferebat, aut excelsæ stature & probi oris decus, aut Pontificiam grauitatem habitumque in illis regionibus nusquam ferè visum decenti incessu & vrba conditum comitate laudarent, aut deniq; æquitatis læce in apponendis vtrunque conditionibus temperatum, iudicium mirarentur. Quippe ad eius ori atq; oculis tanta vis, tantusq; honos inerat, promerendos omnium animos, vt non modo ij quibus neq; beneficio, neq; iniuria fuisset cognitus, sed etiam hostes patriæ publici, & inimici eius priuati, ea celsitate dignum existimarent. Mirificam enim

amplitudinem istam rarissimo quodam naturæ munere in omni negotio actioneque semper afferebat. Ut enim supra diximus erat amplo corpore, atque eo quidem animi similitudine ad decus plurimum erecto, serena fronte, viuacibus oculis, nigricantibus supercilijs, pleniore ore, eloquentia verò tanta, ut in ea quum expediret Senatoria grauitas, libertas ferè militaris, urbana comitas, optimarumq; literarum, & veterum exemplorum conspersa floribus ad admirationem emineret.

## C A P V T XI.

### De promotione eius ad Episcopatum Cracouiensem.

**T**alibus igitur ac tantis dotibus præditum, Vladislaus Rex, Patri Sigismundo in solium succedens, non minus honoribus ornandum putauit, quàm & Diuus genitor suus dignum fore existimauit, bello præsertim Moschouitico fidelem ac diligentem operam eius expertus. Quapropter ad Franciscum Cardinalem Barberinum scribens, ut eum post luctuosum & inmatuum ex hac vita Serenissimi Principis

cipis Ioannis Alberti S. R. E. Cardinalis, fratris sui  
charissimi decessum, in Episcopum Cracouiensem  
nominatum suæ Sanctitati commendaret, eiusmodi  
eum elogio exornauit. *Ille est præcipuum & firmissi-  
mum Regni nostri fulcrum & ornamentum: Eo aucto-  
re ac moderatore, & cruentum cum Suecis bellum in-  
ducijs suspensum, & pax cum Moscho tot sæculis infida  
nunc tandem firmissimo amicitie nexu firmata coaluit.  
Is alias maximi momenti res cum magno Reipub. com-  
modo conficere solitus, ubique integerrimus Senator,  
optimusq; Præsul & videri & haberi voluit. Triginta  
ille annos, continuis pro Repub. atque Ecclesia Dei  
defunctus laboribus, Episcopatum Cracouiensem  
beneficio & promotione Serenissimi Regis Vladislai  
IV. accepit, summum virtutis & meritorum fasti-  
gium, Anno reparatæ Salutis 1635. Quod munus vt  
dextrè, prudenter, piè ac religiosè obuiuit Cancellarij  
onere deposito, testimonium perpetuò duraturum,  
cum sua egregia, & Heroica facta dabunt, tum laus  
& approbatio eorum, à summa Sede; cui inspectio  
omnium fratrum, à summo Pastore Christo commissa  
est, motu proprio profecta, cum eum in Breui suo A-  
postolico Urbanus VIII. ( 29. Septembr. anno eo-*



dem 1635.) talibus alloquatur. In Ecclesiasticis Magistratibus decernendis, nulla potest grauior apud Apostolicam sedem intercedere commendatio, quàm quæ virtutum laudibus, & meritorum suffragatione innititur. His dotibus cum te eximie munitum esse acceperimus, ad Cracouien. Diœcesis gubernacula libenter promouimus. Nos sanè eam de tua integritate, vigilantia, & Religionis studio opinionem iam dudum concepimus, ut nullum in præsentia cohortationi locum relinqui arbitremur: siquidem quæ pastoralis tui muneris partes sint, egregie perspectum habes. Eandem in Diuino cultu sedulitatem, eandem in Catholica fidei propugnatione constantiam, eadem charitatis exempla, quæ in Culmensi Ecclesia continenter exhibuisti, exigit nunc à te populus tuæ sollicitudini recentè commissus, ut per semitas Diuinæ legis ad iustitiæ coronam, quæ diligentibus Deum reposita est, feliciter perducatur. Cetera ex Nuncio nostro percipiet fraternitas tua, cui nos amanter benedicimus, Deum rogantes, ut pietatis tuæ vota celestis gratiæ dono, & animarum salute benignè consoletur. Omitto elogia ab Imperatore Romano Diuo Ferdinando II. virtutibus suis attributa, tum à Ludouico XIII. Rege Christianissimo, alijsq; Principibus ac Rebuspu.

bus publicis Europæis, qui cum à Sereniss. Rege Vladislao IV. ad componendum orbem Christianū, Legatum deputari, Coloniam Vbiorum exoptabāt. Eo quod felicissimè bis cum Succis inducias, cum Moschouitis verò pacem perpetuā nomine Reip. Polonæ conclusisset, fuissetq; dexterrimus in tractandis negotijs Regum suorum. Quo nomine magni æstimabatur & ab Inuictissimo Ferdinando III. cuius sororem Renatam Cæciliam Archiducissam Austriæ, sponsam verò olim Serenissimi Regis nostri Vladislai IV. confinia Regni Poloniæ ingredientem & luculentissima oratione, & splendidissimo comitatu excipiebat. Anno 1637. die 24. Augusti.

## C A P V T XII.

### De pietate eius ac Religione in Deum.

**V**T dies face, ita pietas laude non indiget in Sacerdote: à se clara est; præsertim postquam Pōtificalem dignitatem attigisset: & quia Deum spectat, diuinos semper animos occupauit. Et Zadzi-  
cius à teneris pietati assuetus, animum quem per varias cogitationes, multiplices sermones, omnigenas

actiones, atque curas publici boni, negotiositas dispergebat, vna sancta intentione, vnoq; in omnibus Deo placendi studio, indidem colligebat. Siquidem omnia summus iste in Deum affectus in se continet: nec quisquam verè bonus aut magnus fuit, qui non à terra sustulit animum, & velut Numinis capacem, æternæ sapientiæ radijs miscuit. Itaque Deum Optimum, Diuosq; omnes sincerè potius, quàm inepta garrulitate, cæremonijsuè, aut simulatis precationibus coluit. Singulis solemnitatibus, diebusq; festiuis pio, pœnitentiq; animo expiare sese, & Sacrum Missæ Officium recitare solitus: Chiragræ verò doloribus oppressus, Sacramenti hostiam ritè suscipere & quotidiana sacra audire. Et quia religione pura & sincera neglecta, nihil in Repub. præclari, nihilq; solidi & constantis, ad perpetuitatem constitui potest: proinde sentinam omnis impietatis, scholas Arrianorum Racouiensis maximo ausu euertit in Diæcesi sua Cra-couiensi, quod pij Antecessores sui tot conatibus efficere nequiverunt, Vilnensesq; Calvinistas acriter in Comitijs Varfauien. aggressus, vnanimi piorum consensu & sollicitudine adiutus vrbe exturbauit, ac Regio decreto condemnari procurauit. Simili zelo & in  
Prussia,



Prussia, Torunensiq; vrbe, de Religionis incolumitate & populorum salute sollicitus fuit. Vnde supremus eum Ecclesiæ moderator Urbanus VIII. Episcopam Culmensensem & Pomesaniensem administrantem Anno 1633. die 9. Ianuarij, sic alloquitur. *Et publice Catholice fidei causa, & priuatim virtutis tue merito te plurimum amamus, neque amare desistemus unquam, dum laborum, quos pro Religione suscipis, fructus constabit. Eum amorem, ut quàm luculentissimè testaremur, has ad te literas dedimus, ac dilecto filio Magistro Annibali Bentiuolo, intimo nostro domestico, atque Vtriusq; Signaturæ Referendario, qui rubrum Ioanni Alberto Regis fratri, galerum nostro iussu in Poloniam defert, mandauimus, ut eadem tibi coram, nostro nomine confirmaret, atque Apostolicam benedictionem impertiretur. Nihil Deo gratius, nihil Ecclesiæ utilius nihil nobis, bonisq; omnibus optabilius facere potes, quàm ut in eadem, quam ingredi cepisti, insistas via, remq; Catholicam aduersus Ecclesiæ hostes summa ope adiuues. Et iterum 14. Aug. Anno 1627. Vbi Catholice Religionis dignitas est propaganda, non ijs semper armis opus est, quæ fabrilis manus in humanis fucinis cudere solet. Igne atque aura Spiritus S. gladius ille anceps fabricatur, quod*

quod est verbum Dei. Celestem sanè palmarum segetem, sacerdotes sibi metunt, qui ubi usus venit, audacter illum distringunt. Hac lucis armatura, quâ munitam iam pridem esse accepimus fraternitatem tuam, opportunè defendi posse existimamus in proximis Poloni Regni Comitibus Ecclesiasticam libertatem. Omnino da operam, Venerabilis frater, ne se Ecclesiastica dignitas, in tanta rerum opportunitate desertam esse conqueri possit. Id nostro nomine à tua pietate exiget Venerabilis frater Archiepiscopus Seleucie Nuncius noster, cui eandem, quam nobis ipsis fidem habere poteris. Ad Episcopatum verò Cracouien. promotus sic scribit: (Anno 1639. die 20. Augusti.) Itaque Comitiorum occasione, quæ propediem isthic habenda sunt, fraternitatem tuam de nonnullis rebus, ad Dei gloriam pertinentibus, certiolem fieri volumus, per Venerabilem fratrem Archiepiscopum Auenionensem Nuncium Apostolicum, cuius verbis consuetam fidem à te haberi optamus. Veteri autem tuæ erga nos obseruantie, ac virtutis experimento confidimus, te cuncta ad exitum è sententia perducere, non minùs libenter, quàm sedulo curaturum. Quibus sanè officiis rem promouere studueris, ijs voluntatem nostram fraternitati tuæ arctius obstringes, cui à Patre  
luminum

*luminum celestis gratiæ incrementuum precamur, &  
Pontificiam benedictionem ex animo impertimur.*

Gaudebat etenim Summus Pontifex talem Religionis propugnatorem inuenisse in partibus nostris, quem zelus Domus Domini exederet in ista statione excubantem, in qua non commodum priuatum spectare Pastor Pastorum Christus Dominus iussit, sed attendere gregi sibi commisso, ut omnibus benè beateq; viuere liceret. Quapropter eadem pietate cum incredibili charitate erga egenos & pauperes & rarissimo quidem exemplo ostendit, hebdomadatim monasterijs largiendo eleemosynas, quotidie verò ostiatim quærentibus stipem. Sed hoc nemini voluit esse notum præter Sacerdotem domesticum hæc distribuentem, qui sibi ea in re fidissimus erat. Oborta quoque in populū sæua fame, malignitate exustæ segetis, singularis erga subditos pietatis specimen præbuit, diuerso frumento ad viginti duo millia modiorum, per domus & familias liberaliter absque omni mercede diuiso. Prouidit & pauperibus piè alendis compluribus in locis ditionis Episcopalis, qui ne vestitu etiam careant, in Xenodochio Bodzantinen. Radlouiensi, Kielcensiq; haud exiguo suo ære censum



fieri procurauit. Et quia pietas etiam erga parentes, aut alios sanguine coniunctos officium conseruare, teste Tullio monet, laudemq; perennem vel ipsa pia facta conciliant: ideo retributionem à Domino sperans, in patrio solo Druzbinì, vbi parentes eius sepulti sunt, templum à fundamentis exstruxit & dotauit, eorumq; ossa in vnum monumentum intulit, vt quæ vixere concordia & mortuì quoque vnà quiescerent. Ac vt quiescerent benè, aram sepulchro addidit & Sacerdotes, qui certis diebus inter sacra eorum Manibus parentarent. Similiter & fratre præmatura morte (quæ semper optima eripit) sublato fecit, qui Vexilliferi Siradiensis dignitate ornatus, eam in tota vita spectatis operibus laudem tulit, vt non magno interuallo ad fraternæ virtutis nomen accederet. Quare fluxam vitæ mortalium imbecillitatem, & rerum incertas vices, intuitus, ne non parato & sibi Dominus superueniret, viuens & vigilans, diuersis in Diæcesibus diuersisq; in templis Episcopatus sui, fundationes pro anima sua fecit, imposito onere perpetui Anniuersarij, vt potè Cracouiæ, Sendomiriæ, Kielcijs, Luceoriæ, Varfauia, Lancitiæ, Plociæ, Vladislauia, Gnesnæ, Posnania, Chelmzæ, & Druzbinì.

Tum

Tum pro ædificanda Capella Diuo Ioanni Cantio, proque curanda eius Apotheosi, summam pecuniæ haud contemnendam donauit, quam etiam auxit tabulis testamenti. Diuæq; Claromontanæ Oratorio perficiendo, ad sumptus Lubiniorum fratrum, vitæ innocentia, morum integritate & sanctitate insigni Antistitem in patria nostra, quibus cum semper amicissimè vixerat, aliquot millia florenorum adnumerauit.

### C A P V T XIII.

#### De cura & sollicitudine eius conseruandæ Polonæ incolumitatis.

**N**ON omnis ille bonus ciuis, sapiensq; Confiliarius est, qui vultu virtutem refert, & barba trabeaque sapientiam ostentat: multi enim hominum sunt, qui varias sub simulationum velo formas exprimunt, si cultum inspicias, sanctum existimes; si orationem audias, Satrapam loqui putes; si vitam expendas, militem arbitreris; si iudicium, bubulcum. Illum itaque, illum ego probum Reipub. municipem optimumque Procèrem, cum Periandro duco, qui

erga Principem obsequium, erga Rempub. officium, erga vtrumque fidem tenuit, quique ad amplificandam vtriusq; gloriam vires contulit, quas potuit. Et Zadzicius noster, vt ex supra dictis de illo patet, Deo religionem, Principi obsequium, parentibus pietatem, benemeritis gratiam & memorem animum, iustis honoribus & honestis officijs persolvere optime nouit, & curauit. Sed maxime Interregni tempore sollicitus fuit conseruandæ Polonæ incolumitatis, ne diuersis ciuium de eligendo nouo Rege opinionibus & sententijs, ad discordiam primò, deinde ad arma & interitum deuenisset. Neque enim vllus alius discordiarum solet exitus esse, inter magnos & potentes competitores sceptri, nisi aut vniuersus interitus, prouinciarumq; vastitas, aut victoris dominatus. Proinde grauis res est, etiam vigilantissimo Rege liberum populum gubernante, dissidens inter se Senatus. Quid vbi spes Principatus? quæ sæpissimè ad nefarios conatus praua ingenia perpulit. Proinde Electionis tempore, omnium Ordinum præcipuos, quosuis ad retinendam libertatem, leges, iustitiam, fidem, religionem, & omnem Reipub. tranquillitatem, dulci Suada sua ducebat, & ad conspi-

ratio-



rationem in Serenissimum Principem Vladislau-  
natum apud nos & educatum, eligendum in Regem  
Poloniæ cohortabatur: vel à Summo Pontifice lite-  
ris excitatus (1632. Nouembris 25.) quæ sic habent:  
*Nos quidem, qui de Polonia incolumitate uehementer  
solliciti sumus, maiorem in modum cupimus, ne tuum  
plurimumq; tui similium suffragium, quibus nimirum  
Dei honor, & vera Reipub. dignitas cordi est, in huius-  
modi cætibz desideretur. Ita enim fiet, ut caducis re-  
bus posthabitis, illud tantummodo liberè & constanter  
decernatur, quod è re tum Christiana, tum Ciuili, opti-  
mè Senatores & sapientes Viri esse iudicauerint. Quo-  
tiescunque etenim Comitia Regni Varſauix, aut ali-  
bi celebrabantur, semper Sedes Apostolica scripto ad  
eum Breui, ad tuendam rem Ecclesiasticam eum  
commonefaciebat, ex quo Senatum ingressus fuerat:  
gnarus perbellè, nullam eum publicam consultatio-  
nem, nullumq; Comitium omisſurum: vti nec omi-  
ſerat vnquam, siue Conuentus fuerint indicti Pro-  
uinciales, siue Generales totius Regni, cogitationes  
suas de ijs rebus, quæ vel prodesſent, vel obessent  
Reipub. cum alijs communicando: eosque ad pro-  
bandum ea quæ dixisset, vel ad improbandum exci-*

tando, cum iuniorum consilijs multa noua, sub nouo Rege proponerentur, ipse verò inueteratam, & à maioribus acceptam Reipub. consuetudinem haud facile mutari exoptaret: non modo stultum & ignominiosum verum etiam impium & sceleratum esse iudicans ea negligere, quæ ad ciues felices & pacatos efficiendos, quæ item ad seditiosos reprimendos pertinent.

## C A P V T XIV.

### De prudentia illius & grauitate iudicii.

**S**I præclaras corporis atque animi virtutes cum perpetua rerum gestarum felicitate conferamus, proculdubio Zadzici<sup>9</sup> noster, nō æquales modo suos ciuilis prudentiæ laude, sed superioris æui etiam Senatores anteibit. Nam si eos, qui sua ætate in Patria floruerunt, enumerare velimus, liquido constabit, eum omnibus laudatissimis etiã quibusuis Sarmatiæ nostræ Antistitibus fuisse virtutibus æqualem: meritis in Patriã omnibus, qui nunc sunt aut erunt, meritò suspiciendum. Si etenim naturæ illius felicitatem expēdas, quid eius ingenio, vel ardentius ad dicendum, vel acrius ad iudi-

iudicandum, vel facundiùs ad inueniendum? Quis pari animi suauitate atque constantia, paribusq; iustitiæ ponderibus, vel controuersias disceptauit, vel improbitatem odio habuit, vel virtutem honore prosecutus est, vel optimos viros antetulit, aut peccantibus ignouit, recteue currentibus, cursus socium se præbuit? Quis vnquam pari facilitate atque laude, omnes totius eruditionis partes coniunxit & absoluit? Cui tanta Historiarum, tanta Geographiæ, tanta antiquitatis notitia contigit vnquam? Quis sacrarum aut prophanarum omnium literarum, tum Iuris Ciuilis, atque Canonici, absolutam scientiam est assecutus? Sin memoriam examines, quis author seu vetus, seu nouus, quem ille non in promptu habuerit? Ex tot eximijs scriptoribus, quos nobis, vel erudita dedit Græcia, vel huius æmula prodidit Italia, vel olim studijs florentissima produxit Gallia, vel ingeniosa peperit Belgica, vel laboris patiens edidit Hispania: nescio fueritne aliquis author quem non legerit, quem non diligenti studio reuoluerit, aut summam scriptionis memoria non retinuerit? Viguit siquidem in eo supra quam credi par est, admirabilis rerum ac nominum recordatio, tanta felicitate, vt quæ



vt quæ puer in scholis, ex Poetis aut Oratoribus memoria mandauerat, ea data occasione inter disceptandum authoritatis adstruendæ gratia facilissimo negotio recitaret. Nemo ferè vidit illum nihil agentem: nemo inculpabit quasi ocio & ignauix deditum. Erat enim in eo inexhausta auditas legendi, scribendi, controuertendi, expediendiq; negotia seu publica, seu domestica; nec labore fatiari poterat, aut assiduis occupationibus. Quis autem non facile condonasset tali Viro, si quando animum negotijs externis delassatum iocis aut lusibus relaxasset? At illi pro venatu, pro aucupio, pro alea, pro chartis, pro morionibus, proq; cæteris auocamentis vulgaribus, erat aut frugifera lectio, aut cum erudito viro colloquium, aut rei Oeconomix dispositio, aut oratio ad Deum. Omnia autem statis horis & diebus, cum Ecclesiæ, aut Reipublicæ negotia expediuisset prius. Cuncta autem sub eo officia, quæ vel in munere Cancellariæ Regni, vel in functione Episcopali, vel in regimine subditorum, domesticorumuè administrationem respicerent admirabili ordine constabant. Nihil enim in toto humanarum rerum negotio, domi & foris ipso ordine esse præstantius disserere erat  
solitus

solitus; quo vno & ipsa inprimis Respub. & actio civilis omnis, & domestica disciplina, veluti certissima compage regerentur. Imperata itaque iussaq; in maximis minimisq; rebus de scripto exhibant, in consilio primum eorum qui usu rerum & prudentia valerent exactissimè deliberata discussaque. Vnde non est mirum, quod ex voto plerumque felix euentus sequeretur, in æconomicis præsertim: vbi ministrorum fidem & diligentiam in omnibus ad amissum exigebat, & per censores quidem spectatæ probitatis, qui singula pro meritis, ad poenam & præmium reuocarent. Hinc complures illi fuere Amanuenses, qui vel ad supplices subditorum libellos, datas responsiones connotabant; vel expensarum prouentuumq; rationes in codicillos referebant; vel causas iudicatas compositasque actis publicis inferebant; vel exempla literarum, quæ in grauissimis Reipub. negotijs aut ipse ad Principes viros scripisset, aut ab alijs accepisset, per volumina disponebant. Vt si quis iustam Patriæ historiam condere velit, non aliunde vberiore, certioreq; materiam desideret: quando ex his bellorum causæ, consilia pacis, & rerum gestarum euentus facillimè deprehenduntur. Maximè cum Moschus,

Turca, & Sueci simul insurgerent, contra nouiter coronatum Inuictissimum Regem nostrum Vladislavum, quem ille omnibus modis & rationibus ad pacem inducebat. Vt potè, qui plerumq; diceret, nihil commodius ac vtilius videri, quàm tribus propositis hostibus, cum primo pacem pacisci, cum altero autem inducias parare, vt in tertium maximè expedita, & grauiora arma verterentur. Studebat enim tranquillitati, copiae, vbertatiq; omnium rerum; atque ideo Regem Martios spiritus gerentem continuò, ad pacis studium inducebat, proponentibusq; ei ex assiduis victorijs gloriam identidem inculcare solebat. Bellum ad eius quidem arbitrium, qui istud cupit inchoari, verùm non eiusdem arbitrio componi: cum enim omnes molitiones sint ancipites, tum bellorum maximè, quæ communi Marte & dubio euentu terminantur. Proinde honestiùs, & humano generi salubriùs, Regem vocari Pacificum, quàm Bellatorem, postquam iam tot fortitudinis suæ ac felicitatis experimenta dedisset. Quamobrem maiorem in dies apud Regem gratiam, exactæq; prudentiæ opinionem apud omnes est consecutus, quam vt plurimum ex alienis iudicijs quæsitam, in proprium sensum



sum & succum conuertebat. Eum siquidem prudentiæ, iudiciijq; Senatorij tenorem, vsque ad vitæ exitum constantissimè tenuit, vt non temerè quicquam, tum in Reipub. negotijs, cùm in munere Episcopali decerneret, nisi accitis probatæ integritatis, & peritiæ rerum viris, vt exquisitis separatim omnium sententijs, quod statuendum foret, multorum iudicio probaretur. Sed id tanta dissimulatione expetebat, vt semper alienis exordijs & discursibus animi propositum celaret, atque aptè demum ad id quod vellet, instituto nouo sermone deferebatur. Quoniam eo pacto, nunquam prolato interiore animi decreto, authoritatem suam egregiè retineret, nec ob id persuasione prudentiæ, animi consultorum inflarentur: quando ij alia semper de causa se vocatos, & fortuito demum sermone, in grauiorem consultationem incidisse, humanitate Domini facilè existimarent. Verùm illos confecto negotio, aut prolata in iudicijs sua sententia, iucundè potiùs, quàm grauius, vel statim in corona, vel ad mensam laudabat, qui feliciter in disceptatione diuinassent, aut pro tribunali cum illo sedentes, sententias suas dixissent. Id quidem iucundiore gratia, quod liberaliter, & nullo

fastu gloriam communicare videretur, eaque moderatione & temperantia in reprehendenda alterius opinione vteretur, vt nullum superbum, aut insolens dictum ore, vel gestu prorsus excideret. Ad honestam verò ab ingentibus curis animi relaxationem, literarij otij, fructum & iucunditatem, Bibliothecam haud contemnendam habuit, quo raros admittebat, idque multa consuetudine sibi familiares, & in quibus multiplicis doctrinae copia, cum vitæ ac morum integritate certans sibi nota fuisset. Proinde paucos ad Reipub. honores, aut Ecclesiasticas dignitates promouit, aut Regiæ clementiæ commendauit, nisi quos magna integritatis, veræq; pietatis existimatione pollere, probè pernoisset. Nec quisquam ab illo feruentiori studio promotus fuit, quàm Ioannes Lipski, cuius par nobilitati virtus, Serenissimi Regis Vladislai IV. beneficio, è Referendarij munere, ad Sarmaticæ purpuræ lucem Culmensi Episcopatu concessio, tum ad Gnesnensis Archiepiscopatus euecta fastigium, clarissima, sed breuissima effulsit; prius enim quàm Zadzicius ipse terras reliquit, & in cæleste contubernium emigravit. Cuius ingenij & eloquentiæ præstantiam, nunquam interitura monu-

menta

imenta testantur: peritiam verò legum, opportunitatemq; consiliorum illius & studium Religionis sepulchrali fide, posthumaque fama disces.

## C A P V T XV.

### De candore ingenii, & lenitate morum.

**M**Ultis equidem simulationum inuolucris tege-  
re, & quasi velis obtendere homines sciunt ad-  
genitæ prauitatis indolem; interq; aulicos commu-  
nissimè lingua aliud loquitur, aliud tacito clausum  
pectore reconditur, maximè cum honores vtilitati  
coniunctos certatim ambiunt, & vel simulata pieta-  
te Principi, maioribusque Dynastis placere student.  
Quos adepti, citò mutant pellem, & ad genium pro-  
prium redeunt: sæpiusq; procellosi animorum mo-  
tus aliquandiu intus cum modestia luctati, tandem  
in altum euecti, cum occasione exitum reperiunt,  
vultu illorum tantæ violentiæ vestigijs signato, non  
aliter, acsi compressus strangulatusque intra nubes  
aer, ruptis valido impulsu carceribus sese explicat, eli-  
soque igne sonitum horribilem edit. Non ea indo-



les fuit Zadzicio, qui totus candidus, & ad probitatem effictus, adaperto potius, quàm latebroso & calido ingenio erat, naturaq; ipsa eos oderat, qui animo ancipiti essent, multosq; recessus & varios anfractus haberent, dissentiente præsertim fronte, in qua præclare apud generosos ac probos, & fides & pudor habitarent. Lenitate igitur atque eleganti vitæ iucunditate, vsque adeò dulcis & comis fuit, vt non Proceribus modò ipsis, quibus cum conuersabatur assiduo, sed infimæ plebeculæ etiam, quæ gaudebat ab eo humaniter admitti, comiter alloqui, & sine fūco aut fallacijs postulata impetrari, seruata tamen grauitate Senatoria Pontificiaq; dignitate, morum vrbanitate & affabilitate egregiè placeret. Tanta enim varietate clementiam simul & sæueritatem exercuit, vt delicta familiarium, & subditorum, nunc puniendo pro criminis grauitate, modò faciliè ignoscendo constantem, vbique lenitatis & facilitatis famam assequeretur: excandesceretq; subitò, cum insolenter vrgeretur, & obstinatè: ex aduerso autem, si quid molliter postulares, ciuili humanitate placidus apparebat, adeò vt is omnium sæuerissimus simul atque lenissimus haberetur. Potiusque peccantes ab aula  
sua

sua discedere increpitos iuberet, quàm vt inhumano acerbiori què aliquo pænitiæ genere afficeret. Et quamuis in cognatos quosdam & affines suos delinquentes, supra æquum seuerior habebatur, humanitatis attamen & candoris eximij laude ductus, dimisit eos potius, quàm condignis pænis emendare voluit. Maximas enim iniurias æquo animo ferre solitus erat, & ad multa conniuendum esse dicebat: ideo què exactissimus delictorum ultor esse volebat, etiam in pænis Clericorum, quæ spirituali corriguntur disciplina.

## C A P V T XVI.

## De robore &amp; constantia animi illius.

**S**Toici cum omnia ornamenta, omnes virtutes Sapienti tribuissent, eundem à perturbatione animi, à dolore, & consternatione vacuum esse voluerunt; qui externis rebus ab interna tranquillitate non potest dimoueri; qui sic semper excubat animo, vt ei nulla res improuisa accidere possit, nulla inopinata, nulla omnino noua: qui omnem fortunæ casum aptè & quietè perfert. Talis fuit Zadzicius noster, qui  
omnium

omnium virtutum laudibus & exemplis ad imitandum abundans, etiam inuariabilis animi constantiam & robur inuictum declarauit, aduersus omnem inuidiæ contumeliam adeò permunitus, vt secunda pariter ac aduersa vno indomitæ mentis tenore metiretur. Vnde cùm illi non nemo amicitiam Ducum Zbarauiorum ( qui in medio virtutum & honorum curriculo erepti, acerbum sui desiderium Patriæ reliquerunt ) nocituram aliquando infusurraret, impedimentoq; ad Senatoriam dignitatem & Cancellarij munus assequendum diceret; constanti animo respondit: *Vultum sibi quasi Socraticum semper eundem esse, nec orbitam probitatis ambitionis cupiditatisue causa deserere velle, sed ita libere sentire nunc, & patriæ libertati consulere, Maioris Secretarij Regni titulo ornatum, ac sibi in Senatu fuisset.* Sed & priuati luctus & publici mœroris incommodis conflictatus, ea magnitudine animi ac patientia compressit dolorem, vt neque in cubiculum se abderet, neque vllò vel tacito gemitu, vel exili suspirio, æquabile illud frontis decus immutaret. Præsertim cùm illi mors fratris germani nunciaretur, in quo tota spes seruandæ domus posita fuerat, aduersa prosperaque ad voluntatis



tatis diuinæ placitum referre solitus. Miram quoque fortitudinem animi, & patientiam semper in tolerando omni dolore ostendit, nec virile putabat aut Christianum, in morborum cruciatibus, quos toto penè corpore perpetiebatur, gemitibus vlloué lachrymarum vestigio fædari. Igitur complures annos morbis diuersis exagitatus adeò obfirmato animo erat aduersus omnes dolores, atque ipsam mortem, vt in agone ipso etiam nulla omnino, vel subtristis, vel perturbati animi signa prætulisse videretur. Et cuiuspiam monenti, vt Matris Dei patrocinium inuocaret, eiusque sancta intercessione placaret, mox adfuturum iudicem Christum, *vel de hac re dubitas?* respondit: statimque Litanias Loretanas recitari iussit, graui vultu ac composito, *Ora pro nobis*, identidem ingeminando.

## C A P V T XVII.

## De liberalitate, &amp; munificentia eius.

**N**ihil magis Pontificiam Senatoriamque dignitatem decorat, quam si in tribuendis beneficijs suam declaret munificentiam, & in recipiendis

obsequijs ac muneribus, nullam præferat cupiditatem. Hinc auaritiam esse idolorum seruitutem non vno loco dixit Apostolus; ea ratione, quod qui pecuniæ student, totius vitæ suæ spem & fiduciam constituunt in pecunia. Quod in alijs cupiditatibus non fit: nam cæteræ cupiditates singulares sunt, auaritia vna reliquas omnes complexa est. Ac propterea viro sacro maximè fugienda, vti faciebat Zadzicius noster. Qui aurea, & verè beata mediocritate delectatus, frugi, moderatus, & diligens in re Oeconomica fuit. In exercenda verò liberalitate, qua vna maximè virtute, vel ingentia vitia occultari facile possunt, modum semper tenuit, varia admodum fama, quum in erogando distribuendoque meditata & prouisa largitione vteretur, nec vnquam adduci potuit, vt inconditè largiendo maximè liberalis famam aucuparet. Qui tamen opes semper contempsit, adeò liberali iudicio, vt à subditis supplices libellos auro aliquo insertos quo gratiores fierent, nusquam recipere voluerit, vituperatis, qui inoletam consuetudinem non immutandam esse venenata libidine gauderent. Præterea nullum vnquam sacerdotium venale proposuit, nullum delinquentem pecunia.

nia mulctauit. Nusquam census auxit, nusquam corruptus sententiam tulit aut iustitiæ cursum impediuit. Cumque semel duos ad sessionem turris, ob crimen patratum, per annum integrum in terrorem aliorum condemnasset, eorumque vxores mitigandæ sententiæ causa, per domesticum quendam aureos quadraginta obtulissent, pecuniam nec inspectam continuò illis remisit, & carceris pœnam ad vnius tantum septimanæ spacium duraturam edixit. Sumptuarias rationes censu oppidorum, & frugum prouentu æquabat: ne, vt ipse dicebat, temerè decoqueret. Irridebat enim plerosque in hoc Dynastas, quod liberalitatis & munificentiae famam aucupare volentes largè primum profunderent sua, mox deinde inuiderent, & insidiarentur opibus ditiorum. Alij verò sub prætextu publicæ necessitatis, rapere aliena, & victualia passim per viam à rusticis extorquere factellitibus suis permitterent, vt ab extemporanea, & dissipata liberalitate, militum animos sibi deuincerent. Illi verò contra, præcipua cura semper fuit, paganos & agricolas ab auaritia militum defendere, oppida tueri, exactiones ab illis prouenientes ære proprio exsoluere, licentiamque militarem in hyber-



nis, & in agmine grauiori sermocinatione, vocatis ad mensam præcipuis capitibus cohibere, atque oblati munusculis insolentiam eorum, à suis subditis auertere: quod Senatorij etiam Ordinis viri, promereri studia militum, vel cum iniuria generis humani oportere censerent. Et quia præclaro gentium omnium consensu, boni studiosiq; mortales, qui in hac vita multis fortunæ lusibus expositos se vident, augustæ virtutis suæ operibus maximè diuturnam laudem petunt; huncq; vnum & summum ex tota laboriosæ vitæ agitatione fructum spectant, vt nominis sui memoria ad posteros nobili perenni q; literarum præsidio, postquam cætera omnia tempus rerum edax celeriter absumat, quàm longissimè proferatur. Idcirco Zadzicius Musis litare cupiens, quas tota vita adamauit, penes Academiam Cracouiensem bonarum artium altricem & matrem, Contubernium Studiosorum, vulgo dictum Hierosolimitanum, à piæ recordationis Zbigneo Olesnicio Cardinali & Episcopo Cracouiensi olim erectum, & vt illa tempora ferebant satis prouisum, nunc autem & parietum humiliatione ad ruinam vergens, & rerum caristia ad solitudinem reductum, tam in muris, quàm  
in fun-

in fundatione subleuauit, trigintaque à suo cognomine dictos Zadzicianos alumnos perpetuo foueri iussit, multis millibus eam in rem numeratis. Adscriptis & Diui Cantij Vniuersitatis illius tutelaris honori non contemnendæ æstimationis, tam in vita quàm in tabulis testamenti, summis pecuniarijs. Propinquos præterea, & alienos fouit suis sumptibus, in Italia, Gallia, Belgio & Germania, non tantum nobili genere natos, sed & plebeios, quos hic nominare aut enumerare haud fas putauit, ne gratitudini eorum quidpiam derogare videar, qui sui benefici patroni, vt existimo, si non scriptis, at certè memori animo liberalitatem & munificentiam, posthumæ posteritati commendabunt. Quamuis enim ille ipse gloriam ex liberalitate petere neglexit, eam tamen ob id certius atque liquidius assequebatur, quod in vita eius nihil absurdum aut impium, quod Pontificiæ virtutis aciem hebetaret, ab austero vel maligno censore notari posset. Nihil enim ei erat antiquius, quàm in omni Ecclesiastica, ciuiliq̃ue actione, religionis decus omnibus commodis anteferre, templorum iura tueri, legibus coercere impios, patriam propugnare libertatem, nomenq̃ Polonum ornare

ingenijs nobilibus, ordine laudabili & gloria immortali. Et hinc quæsitus semel, *cur congestam in arcas pecuniam, se viuo in ornamenta templorum, aut subsidia miserorum distribui non pateretur, memor illius dicti Apostoli Pauli: Operemini bonum dum tempus habetis?* Liberali ingenio subito respondit: falli magnopere eos, qui me ingentem congestisse pecuniam existimant, cum valde mediocris sit, si modernorum temporum æstimationem auri nimium valorem censentem prisca consuetudine demas. Quam tamen non cupiditatis, aut auaritiæ causa asseruo, sed necessitatis Reipub. respectu habito diligenti: quæ si (quod Deus auerruncet) ab aliquo potenti hoste inopinatò opprimeretur, in repentina perturbatione omnium, posset facile iuuari, priusquam contributiones indicerentur publicæ: aut hostis factò aliquo progressu maiorem audaciam sumeret. Ego, inquit, qui pastor ouium curæ meæ commissarum sum, morbis & senio iam confectus, vel fuga salutem, vel deditione spontanea querere haud possum, neque etiam liceret; conscripto autem aliquo milite derepente, gregem meum æquè, ac me ipsum pro posse defenderem, donec Respub. maiores vires & iustum exercitum collegisset. Quod si verò Numine sancto, à quonvis periculo & motu patriam



patriam nostram solito protegente contigerit, me tranquillis temporibus vitam cum morte feliciter commutare, pecunia illa asseruata, quæ respectu tanta necessitatis Reipub. valde exigua est, cedit pauperibus, Deoq; dicatis locis, vti & factum est. Verumtamen non defuere grauiora acerbioraq; ingenia; qui Zadzicij famam auaritiæ nomine sugillarent, ignari prodigos & nimium de suo largiendi liberales degenerari faciliè ob penuriam in raptores alienorum & oppressores subditorum suorum. Multosque Principes maximos, non modò Ciues aut Procere ordinarios natura minimè malos, & bono præditos ingenio, in Tyrannos degenerasse legimus, non aliam ob causam, quàm quod ad paupertatem fuerint redacti. Animus enim excelsus inopia & egestate subactus in aleam mittit omnia. Quare, miserabilem profectò magnorum virorum conditionem existimauerim, quando eorum mores ad arbitrium prodigorum, obaratorum, aut egentium hominum, sæuam potius quàm benignam interpretationem accipiant. Sed erga propinquos & proximo affinitatis gradu necessarios durus & illiberalis fuit? ita vt fratrem germanum, natu minorem, nullo angustiori in Patria titulo aut officio Reipub.

Reipub. exornare studuerit, præter Vexilliferi Sira-  
diensis dignitatem, quæ vnicuiq; nobili Polono ob-  
uenire facile potest; etiamsi nullum in Senatu pro-  
pinquum ne dicam Cancellarij Supremi honore pol-  
lentem fratrem germanum habuerit? Dico, verum  
id esse, & ratione sanè, nam Episcopus bonorum Ec-  
clesiæ rationem reddere supremo Iudici Christo ob-  
strictus est, qui pauperes pane isto nutriendos esse cen-  
suit, non consanguineos ditandos. Cuius rei testi-  
monio ille superiorum Episcoporum profusam libe-  
ralitatem erga propinquos, vti grauem perniciosam-  
que Ecclesiæ, Sanctorum Patrum exemplo, detesta-  
ri erat solitus. Eamq; ob causam, tam amicis, quàm  
familiaribus grauiissima censura sacerdotia concessit,  
& locupletare bonos quamuis ac studiosos, nullatenus  
voluit, ne opibus Ecclesiasticis abuti videretur.  
Nepotes verò ex sororibus & propinquos quosuis,  
seriò monebat, vt pietatem & iustitiam colerent, no-  
bilique animi decreto existimarent virtute potius,  
quàm malis artibus ad opes & gloriam conten-  
dendum.

## CAPUT XVIII.

## De cultu &amp; conuictu eius.

**E**Rat in cultu vestituq; moderatus, potius quam elegans vel sumptuosus, quamuis multam vestem ac pelles preciosas habuerit, donatas sibi à diuersis, & vasa argentea, aureaque. Oderat enim luxum, munditias amabat. Proinde & mensarum honos non in delicatis & exquisitis dapibus, sed hilari simplicitate, perenni copia, comitateq; & frequentia conuiuarum censcatur. Et fortassis aliqui ex antecessoribus eum numerofo famulatu, cultuq; domus, & splendore lautitiæ superabant, sobrietate tamen & abundantia rerum, nescio an aliquis superauerit Zadzicius. Erat enim priuatis in rebus suis domesticisque sumptibus natura & consuetudine minimo contentus, utpote qui ciuili patrioq; cultu vixerat, frugaliq; & munditijs potius referta, quam lauta mensa vteretur. At cum clari hospites, & præsertim aduenæ virtute insignes occurrerent, nullis vel maximis sumptibus parcendum putabat, præsertim cum in Regia versaretur, Secretarij Maioris prius, post-

K

modum



modum Cancellarij Supremi titulo conspicuus, ad quem potissimum extranei, suis à Principibus missi, negotiorum expediendorum causa accedere solent, & ex eius genio, Regis ipsius mores & maiestatem æstimare solent. Vt hic omittam diuersorum hominum in Regia multitudinem, quæ semper magnificentia & splendore capitur, & siue vt nos contemnat siue vt suspiciat, facillimè incitatur.

## C A P V T XIX.

### De Ædificiis ab illo extructis.

**N**itorem ac splendorem in ædificijs ac vestimentis seruare, apud omnes gentes decori ducitur, excedere autem in iisdem modum turpitudinis loco reputatur. Quare & Zadzicius Antistes ad decus & ornamentum Patriæ natus, postquam in magnis salutaribusq; virtutibus optimi atque benefici cognomentum facile meruerit, etiam ædificijs extruendis publicis magnanimitatem suam monstrare voluit, nullū principe viro & immortalitatem merito impendij genus dignius reputans, quam quod erogatur in posteros. Igitur in Episcopatu Culmensi,  
celeriter

celeriter reſtitutis, adornatiſq; prædijs aut de nouo exſtructis aulis, opportuna liberalitate, & priuatæ commoditati, & elegantia publicæ conſuluit, præcipuè arci Lubauienſi formam addens recentioris architecturæ luculentiorẽ. Ad Cracouiẽſem verò tranſlatus ſedem, quo commodiores honeſtioresq; ſibi ſucceſſoribusq; ſuis manſiones redderet, dirutis antiquis ædificijs noua pleraq; diuerſis in prædijs à fundamentis exſtruxit, Sczurouiæ præſertim, Xanis, Radlouiæ, Lipoueciæ: reliqua in veterem formam reſtituit atque exornauit. Sed præcipuè Kielcenſis Palatij cultum elegantiamq; moliebatur, niſi mors præpropere cæptis interueniſſet. Quod tamen ſumptu tabulis teſtamenti deſtinato perficitur & exornatur, illo ſuperſtite parietibus & tecto ad culmen deducto. Reliquas quoque arces, domus, prædia & oppida, Episcopæ huius reſtaurare & illuſtrare aggreſſus erat, ſed mors manū iniecit non ſine publico ſenſu. Varſauiæ attamen Episcoporū Cracouiẽſ. vſui ſatis magnificum palatium extruxit, & aliud futurorū Cancellariorum ſeu Procancellariorum ſtatus Eccleſiaſtici cōmoditati, vrbiſ decori, documento demū magni animi & in nitidiorẽ formā ſuumq; ſplendorem cuncta redditura pollicentis.

## C A P V T XX.

## De eius Obitu ac Funere.

**P**Rudenter fané & verissimè, vt omnia mellifluus  
 Doctor de obitu proborum virorum: *Mors bona, est laboris corona, vite ianua, felicitatis porta.* Quid  
 enim vita hæc? aut quid amari habet? qui optimè  
 de ea loquuntur, cum mimo aut ludo comparant;  
 qui intentiùs & seueriùs, addo & verius cum carcere  
 aut custodia assimilarunt. A natali nostro die si in-  
 spicimus lachrymæ & gemitus sunt, & cum grandio-  
 res eorum pudet, suspiria & internæ curæ. Ergo  
 qui sanctè, prudenter, temperatè, summa gratia, sum-  
 mis honoribus, summa cum dignitate vixerunt, pro  
 ijs laboribus, & molestijs, quas hic aut pro patria, aut  
 pro Ecclesia Dei perpeffi sunt, felicitatis æternæ par-  
 ticipes erunt; ad quam per mortem velut per ianuam  
 quandam ingressus eis patebit. Nam quemadmo-  
 dum naus sæuissimis diu susq; dequæ iactata procel-  
 lis & fluctibus, tuto deinde in loco conquiescit: sic  
 vita nostra, magnis sæpè oppressa & quassata labori-  
 bus, id maximè inoptatis habet, vt in morte tanquam  
 tutissim o



tutissimo quodam portu, omnes suas molestias laboresq; deponat. Quibus Zadzicius noster fractus, præmatura adhuc morte (nondum enim sexagesimum ætatis annum expleuerat) & quando sui opera inprimis desiderabatur, in terris, vt cælo frueretur, esse desijt: illamque æternæ felicitatis coronam, ad quam omnes anhelamus, perfectæ virtutis perfecto functus munere, properauit die 17. Martij. Anno Æræ Christianæ quadragesimo secundo, supra millesimum ac sexcentesium Bodzantini in Arce Episcopali. Eius funus, vt par erat, cum ingens omnium Ordinum, Collegiorum, Sodalitatum frequentia conuenisset, amplissimis exequijs & pompa magnifica, totius vrbis, imò totius Regni Poloniae summo mœrore ac incredibili desiderio celebratum. Luxereque elatum veris lachrymis, cuncti ciuium ordines, non modò propinqui aut familiares. Nam summa æquitate ius dicere, obliuisci factionum, tueri ab iniuria infimos, & quod maximè in Senatore optimo sanctissimoq; Episcopo approbes singulari prudentia & liberalitate militum in hybernis manentium rapinas & insolentiam, à miseris agricolis Episcopatus sui atque Oppidanis, auertere erat solitus. Inque omni eximiæ pru-

dentia, & perfectæ pietatis officio, ac moderata regendi clerum disciplina, Radziuilo Cardinali, alijsq; sanctissimis Antecessoribus suis par fuit. Et in tanta morum grauitate qua pollebat, facili aditu, sermonis comitate, magnificentiaq; operum & præclara clementiæ laude, multos ferè ex superioris sæculi Proceribus & Episcopis superabat. Tumulatus est in templo maximo Diui Stanislai Tutelaris Poloniæ & Episcopi Cracouiensis, prosequente in atra veste amicorum & familiarium turba, vbi eum è suggestu Christophorus Sapelius Canonicus Cracouiensis disertissime laudauit.

In testamenti verò tabulis, quas biennio ante obitum suum confecerat, nullum Christianæ pietatis, & humanæ beneuolentiæ erga suos & amicos officium prætermisit: cumq; euanescente spiritu hora fatalis immineret, ad quam se vocatis Præsbyteris præparauerat, accersito Alexandro Brzeski Canonico Cracouiensi, summo cum pondere verborum, reliquarum rerum suarum dispositionem commisit. Quare ab eius obitu, erogata in egentes, cucullatos, piosq; Sacerdotes & sacratas Virgines, qui perpetuis supplicationibus vacarent, vltra centum & octo florenorum

Polo-

Polonicalium millia. Consanguineis (computando & supellectilem diuersam) plus quàm ducenta millia. Bonis amicis per ipsum testamento legata quadraginta circiter & tria millia, familiaribus domesticis, triginta duo. Pro monte verò Pietatis erigendo, centum quinquaginta millia, proque extruenda Capella, millia viginti.

Literas sicut viuens coluit, candidusq; arbiter extimauit, ita mortuum certatim eadem versu & prosa lamentatæ sunt: quarum subsidio, nobis tantam iacturam, etsi nihil humanum satis sarciri potest, sarciet magna ex parte diu superstes memoria: nam reuera virum, omnium laudum præconia exuperantem amissimus, qui vt moriens viueret, semper vt moriturus vixit, tuncq; decessit, quum eum viuere opus erat. Extat in peristyllo ad ædem D. Francisci imago eius ad veram oris effigiem depicta (vbi plurimorum sanè Episcoporum Cracouiensium, cum veris eorum vultibus imagines cernuntur. Latinis elogijs passim res ab illis præclare gestas indicantibus) Ad quam nos etiam, vti patrono beneficentissimo scripta eiusmodi Epigraphe parentauimus.



CHRISTO REDEMPTORI S.

SISTE GRADVM VIATOR.  
ET VEL MODICE MAGNI PRÆSVLIS  
VULTVM CONTEMPLARE.

F V I T I S

I A C O B V S Z A D Z I K  
VETVSTA KORABITARVM FAMILIA,  
IN SATRAPIA SIRADIENSI NATVS.

Q V I

I T A NAVIM SVAM GENTILITIAM  
PRVDENTER DIREXIT,  
VT ILLO NAVARCHO  
ET ECCLESIAE DEINCEPS, ET REIPVB. NAVIS,  
FELICITER VELIFICARET.

IMPERANTE SIQVIDEM SARMATIS  
D I V O S I G I S M V N D O III.

MAIORIS SECRETARII REGNI  
TITVLVM PRIMO,  
ANNVLVM POSTMODVM POLONIAE VTRVMQVE,  
MAXIMA CVM LAVDE GESSIT.  
CVM QVE OMNIA FERRE,  
SEDE CVLMENSI CONSPICVVS,  
PRÆCLARE FECIT,  
TVM BELLIS ACERRIMIS PER CIRCVITVM  
PATRIÆ OBORTIS,  
PACI CVM HOSTIBVS TRACTANDÆ  
D E S T I N A T V S,  
FÆDVS PERPETVVM CVM MOSCHOVITIS,  
BINAS VERO INDVCIAS CVM SVECIS,  
EX VOTO CONCLVSIT,

IN PRIVATA DEMVM VITA,  
QVANTVS LITERARVM, IVSTITIÆ,  
ATQVE CVLTVS DIVINI  
PROMOTOR FVERIT.  
SERA POSTERITAS DICET,  
CVM AB ILLO PROBITATIS EFFIGIEM EXPOSCET.  
HÆC AVTEM, TAM DIV DVRABIT,  
QVAM DIV POSTHVMI CELSAS INTER VIRTVTES  
GRATITVDINEM NVMERABVNT.

OBIIT ANNO MDC. XXXX. II. MARTII XVII.  
CVM VIX LVSTRA DVODECIM EXCESSISSET.  
SEDISSET VERO IN SEDE CRACOVIIENSI  
ANNOS SEX CVM DIMIDIO.

Qua quidem subscriptione, imò toto hoc tractatu, licet non sit luculenter expressum, quicquid vir ille eximius ab ineunte ætate, in Repub. pariter, & Ecclesia, ad extremum vsque vitæ actum strenuè atque magnificè peregisset, tu attamen Lector bone hisce contentus dabis veniam tenuitati nostræ, quod rerum omnium quæ in mundo aguntur ignari, ea quæ scire à Viris fide dignis, fama que publica potuimus, ornandi tanti Antistitis causa pro virili nostro connotauimus. Nam omnes illius laudes vitæ que ornamenta exponere, aut pro rei dignitate tractare adeò difficile, atque arduum est, vt haud scio an quisquam eorum etiam, qui summam eruditionis

peritiæq; forensis laudem consecuti sunt, hoc præstare possit. Sufficit fuisse illum Antistitem, vt ab incomparabili maximarum virtutum concursu memorabile posteris eius nomen futurum putem, cùm nemo ferè ætate nostra ipso solidæ doctrinæ canaq; prudentiæ opinione celebrior, nemo sobrietatis & castimoniæ laude ornatior, nemo vitæ modestia, frugalitate, innocentia, atque religione præclarior inter Proceres Regni haberetur. Proinde & aliam Cenotaphio illius in arce Cracouiensi incidendam si videbitur eiusmodi inscriptionem dedimus.

R E G I S Æ C V L O R V M.

GENIOQ; ET VIRTUTI,

MAGNI HVIVS ECCLESIAE ANTISTITIS

I A C O B I Z A D Z I K.

Q V E M

N A T V R A I P S A, E T D O C T R I N A

A D S V M M A Q V Æ Q V Æ F O R M A V E R A T,

D I V V S S I G I S M V N D V S I I I.

R E X P O L O N I Æ

MAGNI SECRETARII HONORE PRIMO

MAGNI DEINCEPS CANCELLARII REGNI TITULO;

A D I V N C T A E P I S C O P A C V L M E N S I,

O R N A V E R A T.

POST-



POSTQVAM VERO  
INTER PRÆCLARI SENATORIS MVNIA,  
DIFFICILLIMIS REIPVB. TEMPORIBVS,  
PACEM CVM MOSCHOVITIS,  
BINAS VERO INDVCIAS  
CVM SVECIS CONCLVSISSET.

V L A D I S L A V S IV.

AD ALTIOREM EVM CATHEDRAM CRACOV.  
PROMERITIS PROMOVERAT.

QVO IN LOCO  
EVNDEM VITÆ ET PROBITATIS  
TENOREM SERVANS,  
AFFABILIS, BENIGNVS, MANSVETVS, PIVS,  
ATQVE IVSTVS,

ET VT PATRIÆ LIBERTATIS,  
SIC ET ECCLESIASTICÆ IMMVNITATIS  
ACERRIMVS DEFENSOR FVIT.  
SED HEV, FVIT.

NVNC VERO CINERES TANTVM  
HOC NOBILE MARMOR TEGIT.  
GRANDIS ILLA ANIMA CÆLVM EVOLAVIT.  
ANNO VIRGINEI PARTVS,  
MDC. XXXXII. DIE XVII. MARTII.

V I A T O R

QVI SIC MORITVR, NON EXTINGVITVR.





# O D E

MATTHIÆ CASIMIRI SARBIEVII.

*Ad Illustrissimum Dominum*

IACOBVM ZADZIK

EPISCOPVM CVLMENSEM,

Supremum Regni Cancellarium, cum Pace inter  
Polonos ac Moschos ad Polanouiam confe-  
ctâ, in Poloniam rediret.






Cribere magnis maximè Vatiбус  
Orator, alti pondere consilij  
Momenta bellorum & labanteis  
Eloquio populos in æquam.  
Librasse pacem, nos humlli Lyrâ  
ZADZICIANI nominis & sonum  
Et culmen infra, nec rogatas  
Carminibus tenuare curas.  
Nec fracta Mosci fulmina prælij  
Parum canorâ dicere tibia  
Audemus aut Regum trophæa, &  
Laurigeram memorare pacem,  
Quam luctuosæ culta Seueriæ  
Omnisq̃ue latè ripa Borysthenis,  
Et Moschus & nuper Borussus  
Compositis tibi debet armis.



Hæc & pedestres historiæ dabunt,  
Grandis LVBINÎ, nec venientibus  
Facundus inuidebit annis,  
LIPSCIVS aut faciles GEBICÎ.  
Nos Leniori dicere barbito  
Iulière Musæ; quæ Polanouiæ,  
Colonus oræ per Viasinæ,  
Culta Borystheniosq; saltus.  
Nixus recuruo carmina vomeri,  
Bisterque cantet. Iam video cauas  
Florere valleis & natantem,  
Fruge noua fluitare campum.  
Iam læsa rursus rura nitescere,  
Ridere colleis celsa meti iuga  
Ipsoque messores agresti,  
ZADZICIVM geminare cantu.  
Tum verò dulei feruere nomine;  
Valles & amnes. Quis Deus otium  
Mutauit è tanto tumultu,  
Quis gladijs iaculisque falceis?  
Non solus olim iurgia conficit;  
Pugnaq; Mauors; sunt & idonea,  
Bellis & opportuna paci,  
Palladi Mercurioque tela.  
Rarum cruentis desinit ensibus,  
Et cæde bellum sapius ardua,  
Regum secundauère cæpta,  
Flexanimæ placida arma linguæ;  
Regnisque fineis quos male noxius,  
Describit ensis certius innocens,  
Metatur in Charta, volantis  
Penna styli, tenuisq; mucro,



Quem Fas, Honesti ducere limites,  
 Et inter æqui quem ratio potest,  
 Quem norma pernicious gubernat  
 Consilij, tacitumque pondus.  
 Hæc tela nunquam ponimus, hos Deus  
 Mortalitati mentis & ingenij,  
 Afflixit ensæis nos ab alta  
 Eruimus alia arma terra.  
 Ferro vicissim cædimus & manu,  
 Tauris & vrsis scilicet inuidi,  
 Vngues cruentare & minaci,  
 Vulnera congeminare cornu.  
 Haud parua laus est corpore, languidum  
 Strauisse corpus, sed potioribus  
 Triumphat armis, quisquis hostem  
 Parte sui meliore vicit.

---

Też Ode z Łacińskiego na Polskie przełożył Żołnierz  
 jeden A. Nieborowski.

**C**iebie ô wielki Krásomowco stawia  
 Pisorymowie przedni, To ná iáwia  
 Dárac, ześ Ráda y nymowa Boie  
 Surowe w lube przemienił Pokoie.  
 Ja z podtym Rymem, dalekim od tego,  
 Wydołać stawie Imienia twoiego,  
 ZADZIKV Zacny, niechbę się tu stawić,  
 Tczym ważnicyśym zát áwnego bawić  
 Niechbę, Iáko MARS Moskienjski zgromiony,  
 Aby me głuche śpiewać miáły strony,

Niechbę



Niechcę Tryumphu sięgąć Krolewskiego;  
 T Wiencow z Lauru POKOIV godnego.  
 Który SIE W I E R S K I E Tobie przyznać Grody,  
 T gdzie D N I E P R O W E pław swoy toczą wody;  
 Muszą, y Mośkal, y Prussak do tego  
 Ze się z Pokoju cieszysz się letniego.  
 To światu wstawi Łatopis uczony,  
 W i e l k i L V B I N S K I, y w mowie ćwiczony,  
 L I P S E I nie będzie zayrzat z G Ę B I C K I M I,  
 By to słyneło czasy potomnemi.  
 Mnie na wolniejszy kazaty B á r d o w i e,  
 To M u z y zagrąć, cohy w t á m t e y stronie.  
 Oracz powtarzał, kędy W i á z m á leży  
 Gdzie D N I E P R przez knieie Polánowskie bieży.  
 Jdąc za Socha z krzywnioną wesoło,  
 Widzę kwitnace niżiny w okóło,  
 Buynie we Zboża Nivy się odziały,  
 T suche toczą iak na morzu wáły.  
 Inś się wesoła Polá ząsiewane;  
 T gestym snopem Págoroki odziańe,  
 A Rym nie składny Zęńce Sielániná  
 Imię Z A D Z I K A co raz przypomina.  
 To Imię, słyśać Rzeki y Doliny  
 Ozywáia się, B O G sam á nie inny  
 Odmienit wojne w Pokoy ulubiony,  
 A miecz na Kosę przekońwat skrwawiony.  
 Nie są pod władzą M A R S A nyskycie Boie  
 Ma swe oręże wojná, ma Mir swoie  
 Należy P A L L A S do t e y s p ó d n y, Tego  
 Trudno odsadzić mamy M E R K V R E G O.  
 Rzadko się ostrą sábla końzy wojná,  
 Ale naywięcey Porádá Spokojná,  
 T Broń Ięzyká ktora serc dąbywa,  
 P á ŋ s k i c h z á c i á g o w c z e s t o s k u t k i e m b y w a.



Te które Bronia czyniemy Gránice  
 Nie rozstrzygáia wątpliwey różnice,  
 Nie winny koniec ostrzą Piorkowego,  
 Lepiej dokaże ná Papierze tego.  
 Gdzie samá słuśność koto kopcom chodzi,  
 Kędy się prawo y z uczciwym zgodzi,  
 Gdzie rozum cały z Rozsądkiem pánuie,  
 Gdzie zdrowa Radá z Powagą przodkuje.  
 Tam y Broni pewna: Ta Bog śmiertelnego  
 Opátrzył, Bronia dowcipu mądrego.  
 Ale my tego nic nie uwázamy,  
 A z wnętrza ziemi Broni zásięgamy.  
 Robiemy Ręką, robimy Zelázem,  
 Snać zayrzac Bydłu y Niedźwiedziom rázem,  
 Ze nie brodziemy we krwi páznokćiami,  
 Y Ran sówitych nie czynim rogámi.  
 Jeszcze nie barzo ná sławie wyie,  
 Kto słabey Gliny, Glina też pozynie,  
 Większy nierównie Tryumph ma Ten, który  
 Robi ta Czaszka, ktorey zásiągł z Gory.





